

WANTOK

RECEIVED
NOV 4 1992
PER. READ. RA.

NIUSPEPA BILONG OL PAPUA NIUGINI STRET

Ernst & Young audited/
circulation 15,177

32 pes

Namba 956

Wik i stat long Fonde, October 29, 1992.

40 toea

INSAIT long NIUS



Moa long provinsal gavman...p4

• Ol lokol
gavman
mas kisim
ples...p4

• Iektorel Komisen baim nau ol
wokman...pes 3

• Olpela plisman sutim tok long
Is Sepik PPC...pes 2

• Is Sepik pablik sevan
komplen...pes 7

GAVMAN GAT K360m DINAU LONG KUTUBU

...5-pela kampani laik helpim wantaim intres mani

DOMINIC KAKAS i raitim

GAVMAN i tingting long kisim K360 milien dinau long peim ol narapela 7-pela bikpela seaholda bilong Kutubu wel projek.

Na 5-pela kampani i givim pinis ol sabmisen bilong ol i go long helpim em long mekim dispela. Na tu long salim wel i go long ol arapela kantri long wol.

Dispela ol kampani em Louis Dreyfus Energy bilong Nu Saut Wels long Australia, British Petroleum (PNG), Elf bilong Frans, Mcquere Beng bilong Australia na Hydro-Carbon.

Petroleum Risoses Kutubu (PRK) em kampani bilong gavman. Na em i lukautim 22.5 pesen sea bilong gavman insait long Kutubu projek. Na nau em i wok long sekim ol sabmisen bilong ol dispela kampani.

PRK i stap anit long lukaut bilong Minerel Risoses Developmen Kopresen (MRDC).

Gavman i mas baim K360 milien i go long ol narapela 7-pela seaholda. Na tu em i mas baim 13.7 intres mani. Tasol gavman i laik baim liklik intres tasol. Olsem na em i laik kisim dispela K360 milien long ol beng o bisnis na givim i go long ol seaholda ya.

Gavman bai mekim olsem bikos em i bin kisim dispela 22.5 pesen sea long ol narapela -pela lain ya fri. Dispela em long kirapim wok bilong painim wel long Kutubu. Na kos bilong dispela 22.5 pesen em inap long K360 milien.

Anit long agrimen ol i bin sainim, ol seaholda bai kisim ol winmani ol i kisim long ol wel ol i salim. Na taim ol i kisim mani i go inap long mak bilong K360 milien wantaim winmani, bai ol i stap. Na bihain

gavman bai kisim ol mani ol i kamapim olsem ol profit o winmani.

Na dispela bai long-pela taim tru. Na gavman i laikim mani bilong em nau long kamapim ol narapela projek insait long kantri.

Olsem na gavman i lukim olsem kos bilong dispela agrimen bilong em na ol seaholda ya i bikpela tumas. Bikos em bai peim 13.7 pesen intres antap long dispela K360 milien. Olsem na long daunim kos, ol i laik kisim dinau long narapela hap na baim ol seaholda. Na bihain ol i ken

salim wel na kisim mani bilong stap insait long kantri.

Menesing Dairekta bilong MRDC, Bob Needham i tok olsem ol i kisim pinis ol sabmisen bilong ol kampani husat i laik helpim gavman long bekim dispela K360 milien i go long ol seaholda bilong em. Na ol i lukluk tasol long ol yet, ol i no givim wanpela kontrak yet.

Long nau yet ol i wok long toktok wantaim Beng bilong PNG, Fainens na Plening dipatmen wantaim Maining na Petroleum dipatment.

Ol Momase lida les long rausim provinsal gavman

OTTO AVOROSI i raitim

OL provinsal lida bilong Momase i no laikim nesene gavman long rausim ol provinsal gavman.

Ol i bin mekim dispela tok-

tok bihain long wanpela kibung bilong ol long Madang las wiken. Oposisen lida Sir Michael Somare i bin go pas long dispela kibung.

Ol i tok olsem ol i laikim gavman long sekim gen wok bilong ol provinsal gavman

na kamapim wanpela sistem we inap long bringim ol sevis i go long ol pipel. Tasol em i no ken rausim ol provinsal gavman.

Na ol i tok olsem i gat ol we bilong stretim dispela hevi we ol sevis i no go hariap long ol



pipel. Na gavman i mas traime na lukluk long dispela.

Gavman i mas sekim wanpela ripot bilong ol provinsal gavman em Primia bilong Manus, Steven Pokawin i bin mekim. Na senisim ol lo

i go moa long pes 4



Klinim ol sotgan...Ol soldia bilong PNGDF i klinim ol sotgan na redim ol samting bilong go patrol long Tunuru. Dispela em wanpela Katolik misin stesin i stap klostu long Arawa. Ol soldia i bin go long hap long las wiken bihainim ol BRA.



TOYOTA HILUX... NAMBA WAN TRU LONG PAPUA NIUGINI

STRONGPELA 4 WIL DRAIV 2800cc DISIL PAWA...EM NAU!

Ela Motors

PORT MORESBY 229400 • LAE 433655 • RABAUL 921988 • MADANG 822188 • GOROKA 721844 • MT HAGEN 521888
WEWAK 862255 • KAVIENG 942132 • KIMBE 935155 • TABUBIL 589060 • VANIMO 871254 • PORGERA 579367

PLIS RIPOT



POPONDETA: Ol plisman i painimaut bihainim indai bilong wanpela raskol man long Sakarina long Afore Distrik bilong Noten provins. Plis i givim nem bilong dispela man olsem Frank Mulava. Em i gat 28 krismas na em i bilong Yoivi viles long Afore long Noten provins yet.

Ripot i tok long taim Mulava i dai, em bin karim wanpela gan i go na hensapim wanpela famili, na i laik stilim samting bilong ol. Wanpela man namel long famili ya i kisim gan na sutim Mulava long het. Na em i pundaun na i dai.

Provinsal plis komanda, Charles Sorman i tok Mulava em i memba bilong wanpela grup bilong ol man husat i save mekim nabaut na pretim ol pipel long hap bilong Afore.

SENTREL: Ol plisman i painimaut nau long olsem wanem na wanpela ka i bin kapsait na kilim 4-pela pipel long las wik. Birua i bin kamap long Veimauri long Hiritano haiwe. Plis i givim nem bilong ol lain husat i dai olsem Ate Ovia, 24 krismas bilong Magevaina viles long Bereina, Simon Kaubu, 15 krismas bilong Bakoitu viles long Bereina. Narapela tupela em Ako Warabanga, 14 krismas bilong Tinamaua long Kaintiba long Sentral yet na Steven Waga, 19 krismas bilong Humon viles long Yangoru, Is Sepik provins.

Plis i tok ol lain ya i bin draiv i go long wanpela waitpela Toyota ka wantaim 14 pasindia. Ol i go long Bereina stesin taim hevi i kamap. Ol i tok draiva i wok long spit na ka i go arere long rot na tanim na kapsait. Na 4-pela pasindia i dai. Narapela 7-pela pasindia i kisim bagarap tasol.

KUNDIAWA: Wanpela yangpela meri i bin dai bihain long sampela man i bagarapim em long las wiken. Meri ya i gat 17 krismas na bilong Gogme viles long Gembogl distrik. Plis i givim nem bilong dispela meri olsem Paula Kaima.

Bos bilong ol plisma long hailans rijon, Bunu Katusele i tok trabel ya i bin kamap taim Kaima wantaim pren bilong em i go raun long Kundiawa, na wokabaut i go bek long ples. Long hap rot 5-pela man i kam ausait long bus na stat mekim nabaut long tupela na raunim tupela. Pren bilong Paula i bin ranawe. Tasol ol man ya i holim pasim Paula na bagarapim em. Na bihain sampela lain i painim bodi bilong Paula arere long rot.

Ol plisman i bilip olsem ol trabel man i mas bilong Pari viles. Na ol i askim pinis lida bilong dispela ples long givim ol man ya i go long han bilong ol plis.

WABEG: Wanpela man i bin dai bihain long pait i bin kirap namel long sampela lain wanpisin long Sande, Oktoba 25.

Bos bilong ol plisman long hailns rijon, Bunu Katusele i tok olsem ol pipel bilong 5-pela wanpisin i bin stap insait long dispela pait.

Na ol i wok long banisim ol rot namel long Wabeg na Pogera. Na dispela i stapim ol pipel long raun long dispela rot. Mobail skwat bilong Wabeg i bin go long stapim pait ya. Tasol ol i no inap long mekim wanpela samting. Olsem na pait i stap yet.

Moa plis ripot long pes 11

Olpela plisman sutim tok long PPC na ol arapela lida long paia

OL plisman long Wewak i holim pinis Pius Bugatar long Tunde, Oktoba 27, bihain long em i ranawe long mentel wod long Boram haus sik long las wik Tunde, Oktoba 20. Ol plisman i go long ples Yuwun long Kairiru Ailan na holim em.

Pius Bugatar i bin wok olsem wanpela plis ditektiv long Wewak bipo long em i go long kalabus wantaim Is Sepik provinsal primia, Bruce Samban na ol arapela lain long sas bilong kukim Is Sepik provinsal hetkwata long 1990. Tasol em i ranawe taim em i go stap long mentel wod long Boram haus sik.

Long las wik Fraide, Oktoba 23, Pius Bugatar i ringim *Wantok Niuspepa* na tok olsem em i no ranawe nating. I gat as tingting

Gavman bai sekim ol haus

GAVMAN bai givim tupela mun long ol pipel husat i stap long ol haus bilong em long givim ol haus ya i go bek long Nesenel Hausing Kopresen.

Hausing Minista John Jaminan i bin mekim dispela toktok long las wik Fraide. Dispela i bihainim tasol tingting bilong NHC long traim long kisim dispela K12 milien ol pipel husat i stap long ol gavman haus i no baim olsem ren i go long gavman long taim bilong independens i kam inap nau.

Em i tok planti ol bikman na ol politisen i gat moa long wanpela haus. Na dispela i save mekim hat long ol grasrut pipel long painim ol haus. Na bihain ol dispela lain i save rentim ol haus i go long ol arapela pipel.

“John Wakon tu i bin kamapim sampela paul pasin taim ol plisman i laik mekim wok painimaut long paia i kukim Is Sepik provinsal hetkwata”

na em i ranawe.

Mista Bugatar i tokim *Wantok Niuspepa* olsem em i ranawe long tok klia i go long gavman bilong Papua Niugini na ol manmeri long Is Sepik olsem i bin gat planti paul pasin taim kot i harim dispela sas bilong ol long kukim provinsal hetkwata.

Mista Bugatar i tok olsem long nau yet em

GODFRIED NIAKA i raitim

wantaim Mista Samban na ol arapela lain i laikim kot long harim gen dispela sas bilong ol long kukim provinsal hetkwata.

Long wanem Bugatar i tok planti bikman na lida long provins tu i stap insait long dispela samting. Em i tok ol i

kamapim kain kain paul pasin taim kot i harim dispela sas bilong ol.

“I no ol bikman na provinsal lida tasol. Sampela plisman tu i bin kamapim paul pasin. Sampela bikman na lida bilong provins i bin baim sampela plisman long mekim wok bilong ol long soim olsem mipela i kukim provin-

sal hetkwata,” Bugatar i tok.

Em i tok Stet i bin gat tupela witnes taim em yet, Mista Samban na ol narapela i kamap long kot. Nem bilong tupela witnes ya em Tony Kembo na Belinda Aros. “Ol bikman na lida bilong provins i bin givim sampela mani i go long Tony na Belinda long stap long sait bilong kot long tokaut olsem mipela i kukim provinsal hetkwata,” Bugatar i tok.

Mista Bugatar i tok ol bikman na lida bilong

i go moa long pes 7

Fiji laik kirapim wok tred wantaim PNG

MESERY GUBAG I raitim

FIJI i bin opim embasi o gavman opis bilong ol long Papua Niugini long Oktoba 27. Opis i stap long Mosbi.

Na ol opisa bilong ol bai yusim dispela opis inap taim ol wokman i pinisim Somare Faundesen Haus.

Embesi bilong ol bai stap insait long dispela haus. Tasol ol kampani i wok yet olsem na ating ol bai pinis long dispela yia.

Fes Sekreteri bilong embasi, Sekoti Galuvakadua na wanpela opisa bilong Fiji Foren Afeas, Dan Johnson nau i wok long dispela opis bilong ol. Na

ol bai redim tasol ol samting bilong wok na stat wok liklik inap taim Embeseda Peni Waqanicakau kam long mum Desemba samting.

Galuvakadua i tok gavman bilong Fiji i laik statim wok tred namel long tupela kantri ya.

“Kantri bilong mipela i save mekim planti samting olsem ol klos, tin kaikai na ol arapela samting. Na mipela i save salim ol i go long Amerika, Nu Silan, Australia na ol arapela Pasifik ailan kantri. Na mipela i ting PNG inap long baim ol samting bilong mipela.

“PNG i gat planti samting tru long sait bilong risoses. Na mipela i gat laik long baim ol samting yupela i save salim i go long ol arapela kantri,” em i tok.



• Fes Seketeri Sekoti Galuvakadua long lephan na Fiji Foren Afeas opisa Dan Johnson long raithan i sindaun na traim long stretim ol samting bilong embasi bilong ol.

TOR TOO

EM BAIM WANPELA KATEN BIA NA PUTIM LONG SAIT BILONG EM NA TEK-OFF I GO... EM APIM WAN-TAIM...

NAU EM KAM KAMAP LONG PLES BARUNI... EM ASKIM WANPELA LIKLIK MERI LONG GELPREN BILONG EM...

HEH, CHIK! INAP YU GO SINGAUTIM GELPREN BILONG MI... ER... NEM BILONG EMI SINAGLI IKAM!

“OKE, YU NIET... MI GO SINGAUTIM SINAGLI IKAM!!”

EM NALI! YU HARIAP! MI... (CHIK) BAGARAP!! (CHIK)

NAU LIKLIK MERI YA RON I GO NA SINGAUTIM MAMA BILONG EM IKAM...

SINAGLI! SINAGLI! WANPELA MAN PAINIM YU YAH!!

DAIKAZ HUSATZ!!

TAIM TORO LUKIM MAMA YAH, EM STATIM KAR NA TEK-OFF... KIUSTU EU BAIM MAMA YAH...

AAAAA!! MAMAVAAA!

DIA SAISI!!

TORO KISIM ROS KAR BILONG EM NA GO LONG BARUNI LONG LUKIM GELPREN BILONG EM LONG HAP...

Pesene Menesmen redim nau plen bihain long ol provinsal gavman

DIPATMENT bilong Pesene Menesmen i stat pinis long mekim ol plen bilong nupela straksa bilong wok taim gavman i rausim ol provinsal gavman.

Seketeri Paul Songo i bin tokim ol rijonel presiden bilong Publik Employi Asosiesen (PEA) long Mande long kibung bilong ol long Mosbi.

"Mipela i redi tasol long kamapim ol senis long wok bilong ol pablik sevan husat i wok aninit long ol provinsal gavman insait long ol provins. Olsem

na mipela i wok long skelim ol lo karamapim ol pablik sevan long ol provinsal gavman. Dispela i stap long seksen 24, 27, 48 na 49 i toktok long ol wokman ya," em i tok.

Long dispela taim em i bin tokim ol PEA eksekutiv olsem wanpela bikpela samting we i sot insait long pablik sevis em trening. Em i tok olsem sapos gavman i laik bringim ol sevis i go kwik long ol pipel, em i mas givim gutpela trening long ol opisa bilong em.

Ilektorel Komisen baim nau ol alawens na pe

FAY DUEGA i raitim

BIHAIN long nesenele ileksen 4-pela mun i go pinis, ol poling opisa long kantri i stat kisim alawens nau. Ilektoral Komisina

bilong PNG Reuben Kaiulo i tok olsem ol i stat long baim pinis ol poling opisa inap long tripela wik nau. Na em i bilip olgeta lain bai kisim pe bilong ol long pinis bilong dispela wik.

Kaiulo i no bin inap long givim mak bilong mani em Dipatmen bilong Fainens i givim long baim ol lain ya.

Nau yet em i tok em i no bilip long peim ol wokman long bikpela wok ol i mekim long provins. Tasol em bai baim wankain pe tasol i go long wan wan opisa long olgeta provins.

Samting olsem 100 pipel husat i bin stap insait long holim nesenele ileksen long Oro provins bai kisim pe bilong ol long Fraide.

Long las wik, ol dispela opisa i bin salim wanpela pas i go long komisina na askim em

long baim alawens bilong ol pastaim long Fraide.

Ol i bin salim dispela pas bihain long ol i holim wanpela kibung long Fonde na Fraide long las wik.

Provinsal ilektoral

opisa bilong Oro, Kila Ralai i bin sekap bihainim dispela pas na go long Mosbi long Fraide. Long dispela wik, Ralai i tok ol i stretim pinis sek na ol opisa bai kisim pe bilong ol.



So long Waigani • Mista Abses Kunai i mangalim model bilong Misima Main Rifaineri Plen em ol i soim long Nesenele Misium long Waigani, Mosbi. PNG Semba ov Main na Petroleum wantaim Nesenele Misium na Ats Galeri i redi nau long soim ol dispela samting bihainim wok bilong painim wel insait long kantri. Dispela so bai op long Fraide Oktoba 30. Foto: Wally Ainui.



PUTIM OL RISEV TENG BILONG KISIM WARA

Ol strongpela teng, Presa Pam na ol kain kain Wok bilong Paip.

Long stretim wari bilong yu long wokim Haus, ol Yunit o Fektor.

Long kisim moa toktok ringim MENESA long telipon namba 26 0282 o 260284 (bh).

For a better future...

BONANZER
ACCOUNT

BONANZER
ACCOUNT

WANTOK

NIUSPEPA BILONG OL PAPA NIUGINI STRET

Skelim gen dinau mani

TINGTING bilong nesenel gavman long putim gen mani i go insait long wok bilong Kutubu wel projek i orait.

Tasol nau em i mas skelim gen dispela dinau mani em i tok long kisim na ol rot bilong bekim. I gat ol grup husat em bai kisim dinau na bekim wantaim intres. Na dispela bai hat liklik bikos intres gavman bai kisim bai go long ol kain kain rot.

Na liklik bilong dispela bai kam bek gen long baim ol seaholda na bekim dinau.

Tasol ating wanpela samting tu i klia long nupela gavman. Ol i laik mekim samting bilong kirapim ol wok long taim bihain. Olsem tasol, ol i tok bikpela mani nau i go lus long ol wok bai bringim moa helpim long taim bihain.

Long narapela rot, dispela samting gavman i mekim i bihainim wanem samting em i mekim long wok bilong kopra, kakao, kokonas na wel pam. Em i lukim olsem sapot prais bilong ol dispela samting i no gutpela na i suvim nus long helpim ol insait long 5-pela yia, na i no long sampela mun tasol.

Wantaim dispela kain luksave, ating nesenel gavman i laik wok long helpim ol wok kamap bilong kantri na ol pipel bilong en. Tasol i tru olsem i mas gat moa wok sekap i kamap long planti samting nau pastaim long ol i go het. Na wankain tu long dispela wok long Kutubu.

Ol pipel i autim tingting long tokorait bilong NEC long rausim pro. gavman

Lokol gavman kaunsil mas kisim ples

TOKTOK bilong rausim wok bilong provinsal gavman i wok long kamap bikpela tru. Na planti man i sapotim tru tingting bilong gavman bilong Praim Minista Paias Wingti long rausim ol provinsal gavman.

Wanpela man husat i amamas long tingting bilong rausim provinsal gavman em Simon Frigia. Frigia em wanpela komyuniti lida long Wewak. Em i tok wok bilong ranim provinsal

gavman i kos planti mani. Em i tok planti provinsal gavman i no save gimim sevis i go long ol pipel insait long taun na ples.

Long kisim ples bilong provinsal gavman, Frigia i laikim nesenel gavman long statim ken wok bilong lokol gavman kaunsil. Em i laikim lokol gavman kaunsil long wokim ol wok long helpim pipel.

Na sapos gavman i tingting long statim ken wok bilong provinsal

WINIS MAP i raitim

gavman, ol mas wokim ken nupela lo. Aninit long nupela lo, ol nesenel memba na kaunsil presiden bai go pas long ranim wok bilong provins na wokim ol polosi.

Aninit long dispela nupela lo, rijonel memba bai kamap siaman bilong ol open memba, open memba bai kamap siaman

bilong ol kaunsil na, kaunsil presiden bai kamap siaman bilong ol kaunsil eria.

Frigia i tok lokol gavman kaunsil bai kari-maut wok bilong viles sevis skim. Em i tok olgeta wok bilong vilis sevis bai stap long lukaut bilong lokol gavman kaunsil. Na dispela bai helpim ol pipel long kisim sevis ol i laikim.

Em tok wok bilong lokol gavman i no ken wankain olsem bilong bipo. We ol i save ting-

ting long kamapim kain sevis olsem wokim wara saplai, haus sik, skul na rot. Tasol ol i mas tingting tu long wokim ol projek long kisim mani. Ol i no ken tingting long gimim sevis, tasol ol i mas wokim sampela wok long kisim mani long helpim ol long kisim mani long bringim sevis i go long pipel.

Nesenel gavman mas brukim bikpela mani i go long ol lokol gavman eria long kirapim ol wok.

Ol Momase lida laikim pro gavman

i kam long pes 1

karamapim ol provinsal gavman em olpela minista bilong Provinsal Afeas Pater John Momis i kamapim long 1989.

Wanpela we bilong sevim kos bilong ranim ol provinsal gavman em long holim ileksen bilong tupela gavman long sem taim. Gavman i mas gimim moa pawa long ol na ol lokol gavman. Dispela bai daunim sampela kos.

Na ol i laikim gavman long sekim dispela lo i karamapim ol pablik sevis long nesenel na provinsal level. Ol i laikim nesenel gavman long gimim moa sapot long ol lokol gavman long sait bilong mani we ol provinsal gavman bai go pas long en.

Na dispela toktok bilong bruk na stap ol yet i no gutpela. Tasol gavman i mas tingting gut na mekim wok bilong ranim dispela kantri. Ol narapela samting ol i bin toktok long kibung em:

- taim we ol i westim na i no divelopim kwik ol risos bilong Momase rijon;
- luksave long wok divelopmen ol lotu i mekim insait long dispela rijon na helpim ol long mani; na
- rausim saspensen bilong Morobe provinsal gavman na luksave long ol bisnis wok bilong provinsal ya.



Baim 10t flaua long Daulo Pas • Tupela yangpela bilong Goroka sallim ol flaua long antap bilong Daulo Pas long Okuk Haiwe. Nem bilong tupela long lephan i go long rait em Tom na Girimal. Tupela i mekim Gret 4 long Asaro Komyuniti skul. Tupela save sallim ol nais kala flaua long 10t tasol. Dispela em long olgeta skul hollida na wiken. Ol kastoma bilong tupela em ol pasindia husat i save kam olsem long Lae, Madang na Hagen. Foto: William Kotson.

WANTOK

NIUSPEPA BILONG OL PAPA NIUGINI STRET

P.O. Box 1982 BOROKO
Telepon Namba: 25 2500
Feks Namba: 25 2579

PE BILONG WANPELA YIA 52 NIUSPEPA

PLES	AIR
Mosbi	K30.00
Arapela PNG eria	K60.00
Australia na Nu Silan	K92.00
Esia pasifik na Japan	K123.00
Amerika na Yurop	K180.00



Nesenel gavman mas kisim asua tu

WANPELA loya, Martin Enda i bilip olsem nesenel gavman i mas kisim sampela hevi long asua provinsal gavman i wokim long gimim sevis i go long ol pipel.

Enda i tok tingting bilong rausim provinsal gavman bikos em i kos planti mani long ranim i no gutpela as. Em i tok sapos gavman i tok ol i no gat mani, bilong wanem na ol i laik gimim fri edukesen.

Nesenel gavman ting olsem ol provinsal gavman i no save bringim sevis i go long ol pipel. Tasol nesenel gavman i no save olsem ol tu i mas kisim sampela asua long dispela. Em i no ken sutim tok i go long provinsal gavman tasol.

Bilong wanem na sevis i no save go long ol pipel? Bikos nesenel gavman i no save gimim mani stret i go long helpim ol lain long ples. Nesenel gavman i save gimim mani long ol projek em ol yet i gimim tok orait pinis. Olsem na ol lain long provinsal gavman i no inap yusim dispela mani long ol arapela wok.

Narapela asua em ol lida na pati insait long nesenel palamen i save mekim em long kamapim nem bilong

ol insait long wanwan provins. Planti politikel pati insait long palamen i laik go pas long kamapim provinsal gavman. Dispela i save wokim planti lida long provins i tingting tumas long wok bilong politikel pati, na lus tingting long kisim sevis i go long ol pipel bilong ples. Ol pati insait long palamen i save yusim provinsal gavman olsem wanpela masin bilong wokim wok bilong ol. Na dispela i no gutpela.

Narapela rong gavman i wokim em long rausim lokol gavman ekt. Nesenel gavman i bin rong tru long rausim lokol gavman kaunsil taim ol i rausim lokol gavman ekt.

Dispela i bin stapim planti sevis long go long ol pipel. Taim gavman i rausim lokol gavman ekt, ol i bin katim tu mak bilong mani em ol i save gimim i go long wanwan provins long wokim wok bilong lokol gavman kaunsil.

Enda i tok sapos nesenel palamen i rausim provinsal gavman, ol i mas kamapim narapela sistem ken long kisim ples bilong provinsal gavman.



■ Wapela pikinini i save skul long Ted Diro Komyuniti skul long Mosbi. Tise bilong dispela pikinini em wapela meri Tobaras o Tolai.

Wapela de tise askim pikinini ya: "Inap yu tokim ol arapela studen long klasrum long wapela samting i save mekim na namba bilong ol pipel long Papua Niugini i groa hariap tru."

"Yes tise," pikinini ya i bekim. "Long taim bilong ren, ..." Tise stapim pikinini ya long pasim maus bikos em i no bekim gut askim bilong em.

Pikinini bekim gen: "Man yu tise o wanem. Yu no save olsem long taim bilong ren, planti marit i save stap insait tasol long haus."

Gadagad Gaun
Murray Bareks
MOSBI

□ Kanage kisim sais 110 kamera na kisim poto long ol poro bilong em. Wapela poro bilong Kanage, nem bilong em Meas.

Kanage kisim poto pinis na Meas i askim Kanage: "Hei baras, dispela kamera i olsem wanem, kala o wait?"

Meas i min olsem Kanage i yusim blek na wait o kala pillim long kisim poto. Tasol askim bilong em i popaia olgeta.

Ol arapela poroman i harim na kilim skin stret long lap.

Yuok Mannu
WEWAK

■ Kanage i save stap long ples wantaim mama bilong em. Na em i wapela bikhet manki stret.

Wapela de mama i laik go long gaden long kisim sampela kaikai. Mama tokim Kanage long stap long haus, na em wapela bai i go. Tasol Kanage ran long bihain na mama wok long krosim em long go bek. "Yu bikhet manki go bek!"

Tasol Kanage i wok long bihainim yet na mama singaut gen: "Yu go bek!"

Kanage tingim wapela aida na rausim trausis bilong em na singaut: "Mama kam bek, rausim pekpek long as bilong mi pastaim na yu wapela gen go."

Mama save pinis olsem Kanage i giaman na singautim em i kam, na tupela i go wantaim long gaden.

Godfried Kaka
MOSBI

□ Kanage raun long Wewak taun i stap na harim wapela singsing i kam long R&A Seeto Treding. Ol stuakipa i pilai singsing bilong Shutdown Ben bilong Rabaul: "Wewak i pala ... Wewak i pala ... Shutdown i kukim PS Kantri ..."

Kanage harim olsem na harlap tru kalap long ka bilong em na lokim olgeta gia. Em slist i go long Wom nambis. Bikos em i no laikim pala long kukim em.

Kanage ting pala tru na bel kaskas stret long Shutdown i kukim PS Kantri. Tasol samting tru em singsing tasol.

Luzipher
WEWAK

■ Kanage wok long wapela masta, nem bilong em Mista Johnson. Orait wapela taim Mista Johnson i kisim wapela invitesen long go long pati. Orait Kanage wapela lukautim haus i stap.

I no longtaim Kanage harim telipon i ring. Em apim telipon na ansarim olsem: "Halo Mita Dontons Lesiden."

Na waitman husat i ring i askim: "Could I speak to Mr Johnson please?" Kanage kirap na bekim: "Mista Donton i no tap."

Waitman i paul long Inglis bilong Kanage na askim gen: "Back your pardon." Kanage ting waitman ya i askim long sampela lain gen, na em i bekim: "Em tu no tap."

Waitman i paul olgeta na putim telipon i go daun.

Wok painimaut long Vanimo go het yet

BENSTEAD TARU i raitim.

WOK painimaut long wanpela trabel we ol soldia bilong PNG Difens Fos i bin bagarapim ples Vanimo long Oktoba 10 long Wes Sepik bai pinis klostu.

Provinsal Plis komanda, Jeffrey Kera i tok em i amamas long we dispela wok painimaut i kamap. Na tu em i amamas long pasin ol sol-

dia na ol narapela pipel husat i bin helpim ol long mekim dispela wok painimaut.

Dispela wok painimaut i bin kamap bihain long ol soldia na ol pipel bilong Vanimo viles i pait. Na sampela i bin kisim bagarap.

Trabel ya i bin kamap taim wanpela soldia i bin pait wantaim wanpela yangpela man bilong dispela ples. Bihain long dispela pait, soldia ya i go kisim ol wanwok bilong

em na ol i pulap long wanpela ka na i go long dispela ples na kirapim pait wantaim ol pipel.

Long dispela taim, ol i bin bagarapim 10-pela haus bilong ol pipel, tupela ka bilong Vanimo Fores Prodak, tripela PMV, tripela liklik stua na wanpela edpos. Ripot i kam tu olsem ol soldia i bin sut long gan i go insait long ples. Tasol ol i no save sapos ol i yusim ol katres long dis-

pela taim o ol i sut nating.

Bihainim dispela trabel tasol, planti lida long hap i laikim gavman long muvim kem bilong ol soldia i go long narapela hap. Long taim ol soldia i go pait wantaim ol man long Vanimo viles, planti ol meri na pikinini i ranawe i go stap long Lote Katolik misin na ol arapela ples. Sampela i pret na i go stap long bus long dispela taim.



• Nupela haus na tred stua bilong Alphonse Pahuli long Vanimo ples i bin bagarap tu long pait. Kos bilong ol samting i bagarap long stua bilong em inap long K1,000. Na bilong haus tu bai bringim kos i go moa yet.

Tok paul long Vanimo Jayapura rot

TOKTOK bilong rot namel long Vanimo na Jayapura i no klia yet.

Bikos ripot i kam long Dipatmen bilong Wes Sepik i tok ol i no save sapos sampela lain i winim pinis kontrak bilong statim ol wok o no gat. Na ol i no klia tu long wanem taim stret bai wok i stat.

Dispela toktok i kamap bihain long mausman bilong ol pipel bilong Wutung, Mark Ando i tok olsem ol i wetim yet bekim bilong gavman.

Pipel kisim mani long bris i bruk

PLANTI lain husat i save ron long ka namel long Wewak na Maprik bai bungim sampela hevi.

Dispela long wanem bris i stap long Warabung i bruk pinis. Dispela bris i bruk long 8 klok long Sande nait. Bikipela ren i bin pin-daun long Sande apinun na haiwara i brukim bris na wokim bikipela hul na ol ka i no inap yusim.

Nau yet sampela bikipela ka i save yusim wanpela rot em buldosa na tipa ka i yusim long kisim ston long wara.

Public Notice



MAINLAND PLUMBING SUPPLIES (N.G.)
PTY LTD
AIR COPROS ROAD, LAE

i laik toksave i go long ol gutpela kastomas bilong em husat i bin enterim

"WIN A 20" COLOUR TV COMPETITION

olsem ol bai droim tiket long Sarere 31/10/92 long 10 o'clock long morning.

Olgeta kastomas mas kamap long Mainland Plumbing Supplies Warehouse long dispela taim long pulim ticket na win long hap yet.

OK-TOBA I LONGLONG

KLIARENS SELS

KAM LUKIM OL OLPELA KA BILONG TOBA MOTORS

OK-TOBA KLIARENS SELS

Prais bilong moa long 50 gutpela kwaliti ka i DAUNBILO TRU

MIPELA I SALIM OL STRET LONG PRAIS

Long kisim Nambawan Olpela Ka long Gutpela Prais
Dispela Sarere, 31st Oktoba,
STAT LONG 9 KLOK MONING i go inap long 4 KLOK APINUN

long MILFORD HAVEN ROT
Kisim FRI 5-PELA KATEN COCA COLA SOFDRING taim yu BAIM WANPELA KA

MANI I STAP STRET LONG PLES BILONG WOK I KAMAP TASOL LONG TOBA MOTORS - LAE
Telipon namba: 42 2611 Fax namba: 42 3098



Customer Satisfaction is our Goal



HEY TOBA MOTORS

Port Moresby 21 7874
Lae 42 2611
Rabaul 92 1866

TU MINIT TINGTING

BILONG WANEM YUMI SAVE GO LONG KRAIS?

"Yupela olgeta kam long mi." (Mt 11:28)

GUTNIUS stori bilong dispela Sande i kam long Luk 19: 1 -10, na i gat tok long sotpela man Sakius. Bikos em i man bilong pulim takismani long ol wantok, ol i no laikim em tru. Em i kamap maniman, tasol em i no hepi, long wanem, em i no gat sampela pren. Tasol em i ting long Jisas i bin singautim narapela takisman Matyu, olsem na em tu i laik traim kamap gutpren bilong Jisas. Dispela bai helpim laip bilong em.

Long Matyu 9, i gat tripela stori bilong tripela pipel i bin kamap long Jisas. Na tripela i kamap long kain kain we. Yumi tingim ol nau na rot bilong ol long kamap long Jisas. Na ating i gat liklik skul insait long pasin na tingting bilong ol i ken sut long yumi yet.

Long lain 18 i go inap long 26, ol i stori long wanpela bikman bilong haus lotu bilong taun. Ating em i no pren tru bilong Jisas;

ating em i no laikim ol nupela toktok bilong Jisas. Tasol nau pikinini meri bilong em i wok long dai, na husat i ken save? Ating dispela Jisas em inap stretim sik bilong em. Em i laik traim.

Dispela man i kam long Kraus bikos em i gat bikpela wari. I no gat narapela rot bilong helpim pikinini. . . . olsem na em i laik traim. Em i no gat bilip long Jisas em i God. Nogat. Em i laik kisim wanpela samting. Em tasol. Na Jisas i no rausim em.

Em i olsem wanpela man i no save bilip liklik long God, em i bin pundaun long hapsait bilong maunten. Na nau em i hagap long wanpela liklik diwai. Maunten ya i go antap tumas, olsem na man i no inap gobek antap. Nadaunbilo, aninit long em i gat ol bikpela ston . . . Orait, nau em i lukluk i go long heven na i tok, "Sapos i gat wanpela God, orait, em i ken helpim mi nau. Long pasin bilong rilisen tu, i

gat sampela manmeri i bin traim olkain lotu na nau ol i laik traim lotu Kristen. Bilong wanem? Ol i laik painim wanpela nupela samting.

Long lain 20 i go inap long 22 bilong Luk 9, wanpela meri, oltaim em i save karim blut, em i tasim arere bilong klos bilong Jisas long taim em wokabaut i go. Na dispela meri i gat wanem tingting long askim Jisas. Nogat. Em i ting em inap sapos em i holim arere bilong klos bilong em. . . . na wanpela mejik bai stretim sik bilong em. Na tru tumas, em i orait gen. Jisas i larim em; em i no krosim em. Em i bilip long we bilong em.

Hia long Papua Niugini planti tumbuna bilong yumi i bin mekim wankain long taim ol i bin kamap Kristen. Ol i no save tru, Kristen em i wanem samting. Tasol ol i lukim ol waitman misineri i kamap na ol i gat olkain nupela naispela samting. Ol tumbuna i lukim na ol i ting, ating

sapos mi kamap Kristen, bai mi tu mi kisim ol dispela kain samting. Ating Jisas i save long tingting bilong ol, tasol em i no rausim ol. Nogat. Em i larim dispela krangi tingting i olsem wanpela rot bilong kamap long em yet.

Namba tri stori long Luk 9, em i dispela long lain 27 i go inap long 31 we Jisas i oraitim tupela aipaskan. Tupela i no lukim Jisas olgeta; tupela i no save em i husat tru. Ol i kolim em pikinini bilong David na ol i ting em i wanpela bikman bilong lain bilong David. Em tasol. Tasol maski, Jisas i helpim tupela. Long taim dispela meri Samaria i bungim Jisas long hul wara, em tu i ting Jisas em i wanpela man bilong pawa tasol. Tasol Jisas i larim dispela aidia i tanim bel bilong em.

Em i lo bilong Jisas, em i no save skelim astingting na rot yumi bin yusim long kamap long em. Maski. Yumimaskam tasol. Olsem



FRANK MIHALIC i raitim

em i bin tok long Matyu 11:28, Yupela ol man i save hatwok tru na karim bikpela hevi, yupela olgeta kam long mi na bai mi givim malolo long yupela." Pastaim Sen Pol i bin raunim na kilim indai ol Kristen, na long dispela rot em i kamap long Kraus yet.

Yumi save kamap long Jisas long pasin bilong yumi. Na Jisas i save senisim yumi long pasin bilong em.

Ol Katolik bilong Simbu holim asembli bung bilong ol

long Mingende Katolik Sios.

Inap long 4-pela de olgeta, Bisop William Kurtz wantaim ol pater, ol wokman bilong sios na ol deleget bilong ol 17 peris bilong daiosis i kam bung wantaim. Na dispela i bringim

namba bilong olgeta lain husat i bung i kam inap long 76 man na meri.

Ol i bung na amamas wantaim long serim ol tingting na skelim wok na lotu.

Long dispela asembli bung, ol i toktok na

skelim pasin na wok bilong daiosis long las tupela yia. Long taim ol i skelim ol wok, ol i painim olsem planti gutpela samting i bin kamap. Sampela bilong ol dispela gutpela wok em dispela program bilong Nupela Pes bilong Peris na ol trening kos we i bin kamap long ol pastorel senta bilong daiosis.

Long dispela ol trening kos, planti lida bilong ol kain kain grup insait long ol peris i bin

kisim trening bilong skruim wok long ol ples bilong ol.

Tasol planti lain i amamas olsem i gat tripela nupela pater i kamap long 1991. Na dispela i bringim namba bilong ol lokal pater i go antap long 7-pela. Dispela i strongim bilip bilong ol olsem moa lokal Kristen man na meri i kisim na mekim ol wok nau insait long Katolik Sios long Simbu provins. Na ol i sanap

long lek bilong ol yet.

Na long sampela ol arapela pasin, Katolik Sios long Kundiawa i sot yet. Olsem na asembli i pasim tok long strongim ol dispela pasin.

Dispela yia tu i makim namba 10 yia bilong Bisop William Kurtz, S.V.D. long holim wok bisop bihain long daiosis asembli i makim em. Na Katolik Daiosis bilong Kundiawa tu i winim 10-pela yia nau long wok.

Insait long dispela 10-pela yia, Bisop Kurtz i bin mekim planti wok tru na piksa bilong ol dispela samting i stap yet. Olsem na ol deleget i bin amamasim em tu long dispela. Na ol i tok tenkyu long God long gutpela wokbung wantaim i bin kamap long daiosis.

Long pinisim bung, ol deleget i tokaut long holim gen narapela asembli bung long 1994.

KATOLIK Daiosis bilong Kundiawa long Simbu provins i bin holim namba tu asembli bung bilong en namel long 12 na 16 Oktoba. Dispela bung i bin kamap



Bisop William Kurtz wantaim ol 7-pela lokal pater bilong Simbu. Sindaun wantaim em long fran em ol tripela nupela pater husat i kisim blesing bilong ol long las yia.

Komyuniti lida laikim sios ministri kamap long kantri

WINIS MAP I raitim

WANPELA komyuniti lida bilong Is Sepik provins, Simon Frigia i laikim gavman bilong Wingti i kamapim wanpela nupela dipatmen long lukautim ol wok bilong ol sios.

Frigia i laikim nesanel gavman i kamapim nupela ministri bilong lukautim wok bilong ol sios.

Em i tok ol sios i save mekim bikpela wok tru olsem na ol i mas i gat wanpela minista bilong lukautim ol. Gavman i mas kamapim nupela dipatmen bilong sios long olgeta provins.

Frigia i tok planti gavman i save lus tingting long wok ol sios i mekim long kantri. Nesanel gavman i no luksave long helpim ol sios i givim long ol lain bilong ples.

Olsem na em i askim gavman bilong Wingti long kamapim dispela nupela ministri.

Gavman bilong nau i laik helpim ol lain bilong ples na kisim sevis i go long ol. Tasol gavman i mas tingting tu long helpim ol long kamapim wok bilong sios insait long ol ples.

Gavman i mas givim planti mani long ol wok bilong sios. Nau yet planti sios i save painim hat long kamapim ol wok bikos ol i no gat inap mani.

PLANTI komyuniti skul long kantri i save lainim ol pikinini long tok inglis.

Na ol wok painimaut i soim olsem dispela i no save helpim tumas ol sumatin. Long wanem dispela tok ples ol i yusim long lainim ol samting long skul i nupela long ol.

Olsem na Evanjelikel Lutheran Sios bilong Papua Niugini (ELC-PNG) i lukim olsem em i hat long ol pikinini long kisim save hariap long pasin bilong rit na rait.

Wanpela tisa bilong ol prep skul bilong Lutheran Sios long Lae, Susan Solomon i tok dispela hevi bilong lainim long rit na rait long inglis i suvim Lutheran Sios long kamapim program na wokim sampela buk bilong ranim ol prep klas.

Em i tok, "Long taun, mipela i lainim ol pikinini na ol samting long Tok Pisin. Na long ples, ol pikinini i lainim ol

Luteran Sios prep skul wok gut tru



Susan Solomon long raitan wantaim ol skul pikinini bilong em long Lae.

samting long tok ples.

"Mipela i painimaut olsem taim yu skulim ol pikinini long tok em ol yet i save pinis long en, em i save isi tru long ol."

Bihainim dispela kain program bilong rit na rait long ol prep skul, Lutheran Sios i kamapim ol sampela

nupela buk pinis. Sampela bilong ol dispela buk em "Hure, Mi Ken Rit Buk 1, 2, 3 na 4."

"Mi yet i save wok tisa long Amba prep klas long Lae. Na mi luksave olsem prep klas em i namba wan tru long bringim save bilong pikinini long

pasin bilong rit, rait na toktok," Misis Solomon i tok.

Husat i laik save moa long program o buk bilong lainim ol sumatin long prep klas i ken salim pas i go long: Lutheran Sios Edukesen Dipatmen, P.O. Box 80, Lae, M.P.

Pablik sevan long Wewak komplek long provinsal seketeri, Maragau

GODFRIED NIAKA i raitim

OL wokman bilong Komuyuniti Developmen divisen long dipatmen bilong Is Sepik i tokaut oisem ol i no amamas long tingting bilong provinsal seketeri, Vincent Maragau long rausim Mary Soondrawu na makim John Kanawy olsem asisten seketeri bilong ol.

Nau yet Mary Soondrawu i stap olsem asisten seketeri bilong komyuniti developmen divisen long dipatmen bilong Is Sepik.

Long soim belhevi bilong ol, olgeta wokman bilong komyuniti developmen divisen i no bin wok long Mande, Oktoba 26. Tasol ol i raitim wanpela komplek pas o petisen na givim i go long Is Sepik provinsal seketeri.

Insait long dispela petisen, ol i tokaut olsem ol i no amamas long dispela senis.

Dispela petisen i gat 4-pela astingting long dispela senis.

Namba wan astingting em Dipatmen bilong Is Sepik, long namba 2 de bilong mun Februeri, 1992 i bin saspenim Kanawy long ripot bilong i no wok gut. Long dispela taim Mary Soondrawu i bin wok olsem eking asisten seketeri. Bihain long Kanawy i bin saspen, Soondrawu i salim wanpela ripot i go long Maragau long tok klia long ol pau wok bilong Kanawy. Na long mekim wok painimaut long dispela samting. Tasol seketeri Maragau i no mekim wanpela samting.

Bihain tasol long dipatmen i saspenim Kanawy, Maragau i makim eksekutiv opisa bilong em, Fred Likia olsem asisten seketeri bilong komyuniti developmen divisen. Long wanem Likia i gat sampela rong na bai i no inap long mekim gutpela wok long divisen bilong komyuniti developmen. Olsem na Maragau i makim Mary Soondrawu olsem eking asisten seketeri bilong komyuniti developmen.

Namba tu as tingting em ol i tok olsem sampela wik bihain tasol long Kanawy i saspen, em i kisim wok long provinsal plening opis.

62 skulmeri long Sogeri kisim helpim



• Ambeseda bilong Japan, Tadashi Masui (lep han) na presiden bilong Japanis Asosiesen long Mosbi, Makoto Teramoto (rait han) wantaim meri husat i same lukautim ol skulmeri long Sogeri nesenel haikul na tupela skul meri i snap wantaim ol samting we Japanis Asosiesen i givim i go long 62 skulmeri long Sogeri nesenel haikul. Foto: Godfried Niaka

LONG Tunde Oktoba 27, ol Japan manmeri bilong Mosbi i givim seken han klos, laplap na samting bilong skul olsem pen, buk, pensil na arapela samting i go long 62 skulmeri bilong Sogeri Nesenel haikul, insait long Sentrel provins.

Dispela em long wanem dispela 62 skulmeri i lusim olgeta samting bilong ol taim paia i kukim haus slip bilong ol long Oktoba 10.

Ambeseda bilong Japan long Papua Niugini, Tadashi Masui na presiden bilong Japanis Asosiesen long Mosbi, Makoto Teramoto i givim dispela ol samting i go long Keutus Uvi. Uvi em wanpela tisa na tu meri husat i save lukautim olgeta skulmeri

long Sogeri Nesenel haikul.

Uvi i tok tenkyu i go long Mista Masui na Mista Teramoto na tokaut olsem ol Japan pipel long Mosbi em ol namba wan lain long ol manmeri bilong arapela kantri long givim helpim.

Em i tok ol arapela lain husat i givim helpim pinis em Lions klab, Dipatmen bilong Edukesen, Yuni-vesiti bilong Papua Niugini, Pasifik Adventis Koles na Papua Niugini Red Kros Sosaiti.

Em i tok taim bilong sindaun long eksam i kam klostu pinis na 62 skulmeri ya i painim hat stret. Long wanem ol i wok long tilim ol samting olsem klos, laplap na samting bilong stadi.

Olpela plisman sutim tok long PPC na ol arapela lida long paia

i kam long pes 2 provins i bin givim samting olsem K10,000 i go long Tony Kembo. Na Belinda Aros i wok long wet yet long ol bikman na lida bilong provins long givim em sampela mani.

Long ol arapela samting Bugatar i askim nau plis komisina Henry Tokam long rausim provinsal plis komanda bilong Is

Sepik, Sief Inspekta John Wakon.

"John Wakon tu i bin kamapim sampela paul pasin taim ol plisman i laik mekim wok painimaut long paia i kukim Is Sepik provinsal hetkwata," Bugatar i tok.

Em i tok taim em i bin ranawe long Boram haus sik long las wik Tunde, Inspekta Wakon i bin givim oda long ol rait skwat plis-

man long Wewak long sutim em indai. Em i kisim dispela toktok long sampela plisman taim em i ringim ol.

Tasol Mista i tok dispela ol samting we Bugatar i toktok long en i no tru. Em i no save long dispela ol samting.

"Ating em mas i gat sik long het bilong em. Olsem na em i mekim dispela ol toktok. Mi

no bin givim oda long ol rait skwat plisman long sutim em," Wakon i tok.

Long nau yet Bugatar, Bruce Samban na ol narapela i laikim pablik prosyuta plis komisina na tu Jastis Hinchcliffe long luksave long dispela samting, na askim Stet long tokorait long kot long harim gen dispela sas bilong ol.

Long wasim klos long kol wara...


Nogat samting i save winim

Cold Power



Klinim, sainim klos na smel gut tru!



HRD 13372-P



• Bikpela guria i kamap long Oktoba 12 wanpela bikpela siti long kantri Itali, Kairo na ol haus i pundaun nabaut, na karamapim ol kar na rot. Planti manmeri na pikinini tru i bin dai long dispela bikpela birua.



• (ANTAP) - Imelda Marcos i kis long sait bilong nupela presiden bilong Filipin, Fidel Ramos. Dispela em long taim tupela i bung long Laoag, bik-taun bilong Ilokos Norte provins. Hap ya em aspies bilong man bilong Imelda, Presiden Ferdinand E. Marcos husat i dai pinis. Mista Ramos em lida bilong grup husat i rausim gavman bilong Mista Marcos long 1986, na Misis Corazon Aquino i kamap presiden.

• (LEPHAN) - Sampela wokman i wok long painim ol manmeri na pikinini long Kairo siti, Itali long Tunde Oktoba 13. Bikpela guria i bin kamap long Oktoba 12, na ol haus i pundaun nabaut na kilim ol manmeri. Planti i kisim bagarap tu.



• Ol plis opisa i haltim nus na maus bilong ol long hap laplap na kaunim planti lip mani bilong Isip, em ol i kolim paun. Ol i painim ol dispela mani taim bikpela guria i kamap long Kairo siti, Itali na ol haus i bruk na pundaun nabaut. Ol plisman i kisim 71,000 Amerika dola long sem haus tasol.

LAE'S NO.1 USED CARS

PNG MOTORS

"NO. 1 CAR OF THE WEEK"

mazda B2600
Double Cab DLX 4x4,

Air Conditioned,
Power Steering,
Stereo Cassette

Price **K12,990.00**

USED CARS AT BARGAIN PRICES

NEXT WEEKS SPECIALS

Mazda E2200 BUS -

Yellow in colour,
plenty of life left in this one.

K4,990.00

Suzuki Sierra 4x4

Hardtop - Good upholstery and paint work
Reliable 4x4

K4,500.00

Hyundai Sonata -

Low klms, Power Steering, Power Windows,
Central Locking with Air Conditioning

K11,990.00

Mazda T3500 -

Totally reconditioned throughout - Great Value...

K7,500.00

Toyota Hilux 4x4

Doublecab with 12 months registration,

K5,490.00



PNG MOTORS

This weeks special apply to PNG MOTORS-LAE only

MS/ PNGM

TOYOTA STOUT



K14950

**DRAIVIM I GO NAU
LONG SPESEL PRAIS**
I KARAMAPIM TU TAKIS BILONG PROVINSAL
GAVMAN NA OL ARAPELA KOS



TOYOTA STOUT
STRONGPELA KA BILONG
KARIM KOPI LONG PNG

Inap long planti yia nau, Toyota Stout i soim pinis olsem em i wanpela strongpela na fit ka stret insait long Hailans rijon bilong karim kopi. Bodi na ensin bilong dispela ka i strong moa na em inap long karim wan na hap tan hevi. Tasol em i gat liklik hap ekstra pawa tu bilong karim ekstra kago. Em i savi yusim 2200cc Toyota 4Y Ensin. Ples bilong karim kopi long baksait bilong ka i kamap yet long kantri. Olsem na wanem samting mipela i wokim i fitim stret kain wok em mipela i gat long hia. No gat wanpela samting inap winim Stout long karim kopi.

 **TOYOTA**

Ela Motors

GOROKA : PH 721968 PERRY HOLLAND PH 721844 DAVID BARORA FRED NIME VINCENT HATEFA FRANCIS GUNUA
FAX 722426 PO BOKIS 82 GOROKA

MT HAGEN : PH 522379 DAVID PULLIN PH 521888 JOHN VAN CAMPENHOUT MICHAEL MACKEY CONRAD WETTAO
MEK ONGUGLO JOE UNAGE SANI RAMBI TIMOTHY ROIKA MICHAEL YONA FAX 521937 PO BOKIS 93 MT HAGEN

EM4308

Norman winim Irak

Jenerel H. Norman Schwarzkopf bilong US Ami tokaut long buk bilong em long 'Desert Storm' we ol i winim Saddam Hussein na mekim ol pipel bilong kantri Kuwait i fri

PAIT long graun i go bikipela na mi kolim ol sinia komanda bilong

mi i kam bung, na tokaut long we bilong winim Irak. Mi save olsem dispela bai i wangepela bikipela kibung tru bilong mi long woa: dispela em ol man husat bai karimauf plen bilong mi long winim woa.

Mi sanap long fran bilong bikipela mep bilong Kuwait na Irak, na sanap lukluk taim 22 jenerel na admiral i kisim sia bilong ol. Planti bilong ol i mekim bikipela wok pinis long 'Desert Shield', opere- sen bilong lukautim Saudi Arabia sapos Irak i go insait. Nau em taim bilong stiam tingting bilong ol i go long 'Desert Storm', opere-

sen bilong rausim ol Irak soldia long Kuwait, na mekim Kuwait i fri gen.

Mi laikim olgeta 22 bikman ya long karimauf stret plen bilong mi taim ol i lusim rum.

Mi tokaut long longpela taim mi traim hat long kisim tokorait bilong Presiden George Bush long Wasington olsem long rausim Irak long Kuwait i min mipela mas yusim moa soldia. Mi tok: "Maski long bulsit bilong putim banis, nau bai mipela i pait. Na mipela bai toktok long pait stat long nau i go inap long de mipela bai go bek long ples."

Mi tokim ol long we mi glasim ol pait samting wantaim strong na soldia bilong Irak. Na tu mi toksave long wanem kain salens mipela bai bungim: "Ol i gat planti soldia tru. Narapela strong bilong ol em long yusim ol marasin bom. Namba wan samting mipela bai mekim em long bagarapim ol hetkwata bilong em (Irak).


Namba tu em mipela mas i gat inap woa balus long lukautim skai, mipela i mas katim rot bilong em long kisim saplai na bagarapim ol marasin nogut, na ol nuklia pawa bilong em. Na las samting, yupela olgeta tenka, harim dispela. Mipela mas bagarapim olgeta samting, i no long larim hap i stap. Mi laikim yupela long bagarapim olgeta Ripabliken Gad, mi no laikim ol long stap yet olsem wangepela grup bilong ol ami."

Mi tokim ol olsem mi laikim ol soldia long go insait long 4-pela hap. Bihainim boda bilong Saudi Arabia Kuwait klostu long Galp, mi laikim ol nevi sip na tas fos bilong Saudi long go insait stret long Kuwait, wantaim astingting bilong rausim Kuwait Siti. Ol soldia bilong Isip na Saudi bai go insait long hap sait. Wok bilong ol em long katim rot bilong Irak long kisim saplai, na bihain go long Kuwait Siti na mekim

deti wok bilong pait wantaim ol Irak soldia long wangepela haus i go long narapela.

Na long wes sait, bai ol woa balus bilong Amerika long ples wesan bilong Irak i kam. Ol bai go insait moa na banisim las rot bilong Ripabliken Gad long ranawe.

Na las tru mi toktok long Jenerel Fred Franks, komanda bilong US Ami VII Kops. Em stap long hetkwata bilong em long Stuttgart. "Mi bilip yu save pinis long wok bilong yu," Mi tok olsem na muvim han bilong mi long ples wesan antap long mep i go long wes sait bilong Kuwait. "Yupela pait i go insait long hia na bagarapim olgeta Ripabliken Gad." Mi laik pinim ol wantaim baksait bilong ol egens solwara, na bihain go insait na bagarapim ol. Na olgeta taim bai mi mas tok: No ken lus tingting olsem yupela mas pait yet i go long Bagdad (biktaun bilong Irak).



UNCLAIMED PRIZES AT THE PNG MADE FAIR

Maketing menesa bilong Coca-Cola kampani long Mosbi, Alwin Reld, i bin gat bikipela amamas tru long lukim olsem planti manmeri tru i bin kamap long lukim Tret Fe so long Sir John Guise stedium long las wiken.
Mista Reld i tingting olsem dispela Tret Fe so i bin kamap gut tru. Planti manmeri na pikinini tru i bin go long stol bilong Coca-Cola. Na dispela i mekim Coca-Cola i sot long ol sof dring.
Mista Reld i tok olsem so bilong narapela yia bai bikipela moa long so bilong dispela yia. Na long dispela taim Coca-Cola bai traim kamap wantaim planti sof dring long pinisim nek drai na wari bilong ol manmeri na pikinini.
Ol prais long givim i go aut long ol manmeri i bin gutpela tru. Na husat manmeri i ting olsem ol i winim wangepela prais, i mas sekap long dispela lista long painimaut sapos nem bilong ol i stap. Sapos husat manmeri i win na i laik kisim prais bilong ol i mas kam long Coca-Cola kampani long Spring Gaden rot long Mosbi. Tasol ol i mas bringim samting olsem ID kat i kam wantaim long kisim prais bilong ol.

PRIZE	NAME	ADDRESS
6 pack	Jimmy B	Box 1532
Coke Cap	Alfred Peka	C/o P.O. Box 1094, Lae
Coke Cap	Kiss Too King	CHM, Rabaul 1839
Coke Cap	David K	PNG Elcom, P.O. Box 1105, Bko, Tel: 24 3575
6 pack	Lisa Alquin	Ela Beach International School
School pack	Anai Aral	P.O. Box 6223, Boroko
6 pack	Tau Charlie	C/- Laufa Charlie, Box 78, Pom, Tel: 22 9777
Coke yo yo	Kei Sasae	PNG Elcom, Box 208, Gerehu
6 pack	Hexy Laho	STC Security, P.O. Box 1, Boroko
6 pack	Jason Feda	Consort Express Lines, Box 2191, Lae
Apron	Nelson Yamis	P.O. Box 5500
6 pack	Rota Gabi	C/o Cielia Luke, PO Box 9044, Hohola
School pack	John Otage	Education Tech Div PSA Haus, Waigani
Coke cap	Andrew S Ithe	Box 5770, Boroko, NCD
Golf umbrella	Leo Wafiwa	P.O. Box 1982, Boroko
School pack	Don Inawe	P.O. Box 3990, Boroko, NCD
Coke Cap	William Gigimat	C/- Mr F Lavaki, PNGBC, Box 78, POM
Drinking Glasses	Jackson Tuat	Box 1108, Boroko, NCD
Aquarius T Shirt	M Laimo	Box 2446, Boroko, Tel: 27 7615
Drinking glasses	Billy Masa	Ward Strip D/S Box 5356, Boroko, NCD
Aquarius T Shirt	Rogo Laka	C/- Balawara B. Co. Box 6310, Bko. Tel: 21 1822
6 drinking glasses	Kappai Popau	C/- John Popau, Box 9169, Hohola
Drinking glasses	Kunake	Boroko, Box 1117
Golf umbrella	R. Wokiok	Box 1785, Boroko, NCD
Apron	Boge Geita	P.O. Box 1030, Boroko
Classic Radio	Joy Travertz	P.O. Box 7279, Boroko
Future Ball Jacket	Marika Aih	HQ PNG DF Murray, Bks, FMB, Boroko
Cooler Bag	Michael Tim	PO Box 6308, Boroko
Beach umbrella	Patrick Ifuda	C/- E Ifuda, Ela Motors, POM, 22 9481
Carton Coke Cans	Nixon Foroua	PO Box 359, Boroko
Carton Coke Cans	Steven Moide	PO Box 1394, Boroko
Aquarius T Shirt	Andrew Kei	PO Box 269, University, tel: 25 2408
6 pack cans	Kana Puka	PO Box 6272, Boroko
Coke cap	Mrs N Paru	Waigani Pharmacy, PO Box 5516
6 pack cans	Jeanette MacLoughlin	PO Box 15, Gerehu, Ph: 26 0399
Aquarius T Shirt	Shao Yu PNG	PO Box 3632, Boroko, NCD
School pack	Ao Ao	NBC, Box 1359, Boroko
Yo Yo	Laban Kouba	C/- Peggy Kouba, Parliament House
Coke cap	Anthoria Sine	PO Box 6660, Boroko
School cap	Feareka Haha	C/- Mera Ume, Box 15149, Boroko
Coke cap	Shantal Aiio	Business Solution - Waigani
6 pack cans	Geng Beren	Mov Village, Bereina
6 pack cans	Kevin Rofiake	Resident - tel: 26 1670
Coke clap	Kalapiti	Box 2286, Boroko
6 pack coke	Onix Jonove	C/- P Hiup, Box 358, Gerehu, Tel: 26 0399
School pack	Mari Buia	C/- Lloyd Stocks
Coke cap	Joseph Yasi	Box 554, Boroko, Tel: 26 1071
Golf umbrella	Greg Aiio	Box 320, Uni, NCD
		Mou Village, Bereina

ALL PRIZES TO BE COLLECTED AT COCA COLA BOTTLERS PORT MORESBY ON PRODUCING PROOF OF IDENTITY.



Tohian lukluk
raun long
Bogenvil

MINISTA bilong Difens, Paul Tohian i bin go lukluk raun long Bogenvil long las wik.

Em i bin go long lukluk na skelim wok ol soldia i bin mekim taim ol i go insait long hap eria we BRA i bin stap long en long Trinde Oktoba 20. Seketeri bilong Difens Peter Peipul, Ekting Difens Komanda Kenol Robert Dademo na ol arapela bikman i bin go wantaim Minista Tohian long dispela lukluk raun.

"Mi amamas long harim olsem nogat planti man i bin kisim bagarap long taim ol soldia i go insait long hap ol rebel paitman i stap long en," Tohian i tok.

Em i tok nau yet ol soldia i wok klostu wantaim edministreta bilong Not Solomons, Sam Tulo long kisim marasin i go long ol pipel long Tunuru misen stesin ausait long Arawa.

Em i tok ol soldia i bilip olsem planti pipel bai i go long Tunuru misen stesin. Na ol bai painim helpim long sait bilong marasin na kaikai.

Tohian i tok em i tingting planti olsem nogut bai BRA traim long stapim ol pipel long go kisim helpim.



• *Bung wantaim gen ...* Ol lain bilong Gomegu long Goroka, Isten Hailans i redi ol tumbuna bilas bilong singsing long wanpela bikipela pati stret. Dispela tupela lain wan pisin i bin birua namel long tupela yet inap long 6-pela yia olgeta. Na nau ol laik kam bung, wokim pati na stap wantaim gen.
Poto: William Kotton.

Ol musik bilong PNG
stap insait nau long buk

WANPELA saveman long musik husat i save wok long Nesenel Risets Institut bilong Papua Niugini, Don Niles i bin go long Australia na stap insait long wanpela miting bilong musik long Kenbera.

Nem bilong dispela kibung long Inglis em ol i kolim "International Association of Sound Archives and the Australasian Sound Recordings Association".

Kalsarel Riiesen Progem bilong Australia gavman i stretim rot bilong Mista Niles long go stap insait long kibung ya, em i bin stap long wanpela wik.

Insait long kibung, Mista Niles i toktok long tupela samting. Namba wan samting em i toktok long ol tumbuna musik bilong Papua Niugini em nogat lo i karamapim. Dispela em long kopirait rait we i tambuim ol musik man o meri long katim singsing em narapela musik man i raitim.


Namba tu toktok i karamapim wok bilong Niles long wokim wanpela kataiok o bikipela buk bilong putim wantaim olgeta musik bilong PNG, na Nesenel Risets Institut bai putim aut olsem "Commercial Recording of Papua New Guinea Music".

Nau yet 6-pela bilong ol dispela buk i kam aut pinis, na tripela moa em ol putim wantaim yet.

Ol dispela buk i gat moa long 2700 singsing em ol musik manmeri bilong PNG i katim wantaim Chin-H-Min, NBC, Pasifik Gol studio, na ol narapela liklik kampani bilong katim singsing insait long PNG na ovasis wantaim.

Ol singsing bilong tumbuna taim, wantaim ol top singsing bilong tude, na ol lotu singsing i stap insait tu long buk ya. Long ol singsing ol manmeri i katim, 92 pesen bilong ol em ol lokol kampani yet insait long PNG i katim.

Ol manmeri husat i stap insait long dispela kibung i lukim tu ol gutpela wok em ol institusen olsem Nesenel Laibri bilong Australia na Australia Woa Memorial i mekim.



MOSBI: Plis ripot i tok 10-pela man i bin ranawe long Bomana haus kalabus long las wiken.

Metropolitan Plis Komanda, Sam Inguba i tok taim ol man ya i bin ranawe, ol i no brukim waia o katim lok. Ol wokabaut i go ausait tasol, kalapim banis na ranawe.

Em i tok ol lain ya i kalabus long sas bilong mekim ol trabel olsem haitim marasin nogut, yusim bus naip na gan long stil, stilim kana kilim man. Taim bilong ol long kalabus em namel long tripela mun na 14 yia.

Mista Inguba i tok sapos ol pipel i save long wanem hap ol lain ya i stap, ol i mas tok hariap long plis. Em i tok dispela em namba tu taim ol kalabusman i ranawe insait long 5-pela de tasol.

**Yes! GOOD YEAR radials
cut running costs!**

Teio Ila (seen here with Boroko Motors Goodyear Port Moresby Manager Ola Ila) is a Commercial Fisherman from Hood Lagoon who has proved the value of Goodyear Radials.

"With frequent trips between Hood Lagoon and Port Moresby I do a lot of tough miles in my 4WD NISSAN and the tyres take a real beating.

A set of standard cross ply nylon tyres used to last me only 17,000 kilometres.

Now with Goodyear radials, I have already done over 25,000 kilometres and they're still only half worn!

That's a big saving on running costs "Thanks to Goodyear".



GOOD YEAR
G.33 RADIALS available from

BOROKO MOTORS
THE GOOD GUYS FOR BEST BUYS

Ol plisman na plis meri long Madang no wok gut

Dia Edita,
Mi wanpela pret 6 skul liva. Mi laik sapatim pas bilong Andicol Kay bilong Lae. Em i tok ol plisman na plis meri long Lae i save paul na i no lukautim lo na oda.
Mi tu i no amamas tumas long ol dispela biklain bilong plis fos. Bikos ol i no save mekim gut wok bilong ol.
Dispela kain slek pasin bilong ol plisman i bikpela tu long Madang taun. Mi laik skruim tok olsem i no ol plisman na plis meri long Lae tasol i save hambak, ol lain bilong ol long Madang tu i save hambak.
Ol i no save wok tru. Ol i save giaman wok long wanpela o tupela aua tasol, na bihain bai ol i go long disko o paul nabaut wantaim ol pamuk na

plis meri yet.
Olsem na meri bilong ol plisman, yupela no ken bilip olsem ol man bilong yupela i wok gut. Samting tru em ol i save paul long wok ya.
Em i tru olsem i gat ol wanwan gut-pela plisman na plis meri i stap. Dispela em ol man bilong wok stret na karim nem bilong lo long Papua Niugini.
Dispela ol lain em oltaim bai stap long ples i gat hevi, na helpim gut ol pipel.
Ol pipia lain i save soim pes long disko ples wantaim yunifom na giaman long wok. Tasol samting tru em ol i painim bia na meri. No gat sem bilong yupela.

**Mong Savi
MADANG**

Noken rausim ol provinsal gavman

Dia Edita,
Mi wanpela manki Wes Sepik tasol nau mi stap long Wewak, biktaun bilong Is Sepik provins.
Mi no amamas long gavman bilong Praim Minista Paia Wingti long rausim ol provinsal gavman. Long tingting bilong mi, mi laikim provinsal gavman long stap yet long Wes Sepik. Bikos nesenel gavman i save lukluk long wanem kain developmen o senis ol pipel bilong Wes Sepik i laikim.
Sapos provins i askim nesenel gavman long mani, nesenel gavman bai yusim mani long narapela rot. Bai mi givim wanpela piksa bilong 1989.
Askim i go long mani bilong wokim haiwe long boda bilong Irian Jaya na Wes Sepik. Tasol gavman i baim Sepik Spirit long dispela mani. Dispela em nem bilong wanpela sip i save ran long Sepik Riva insait long Is Sepik provins.
Olsem na mi laikim Sandaun provinsal gavman

long stap. Long wanem Primia Egbert Yalu em i wanpela trupela lida bilong ol pipel. I no gat wanpela paul wok i kamap long opis bilong em.
Mi laikim Wingti gavman i mas askim ol pipel na provinsal gavman bilong wanwan provins, na kisim tingting bilong ol pastaim, bikos dispela bikpela senis i kamap.
Mi askim nau ol nesenel lida bilong Wes Sepik long sanap strong na sapatim Sandaun provinsal gavman.

**Emil Louti
WEWAK**

Ol lain nogat wok tasol mas wok olsem risev plis

Dia Edita,
Mi laik autim wari bilong mi i go long nesenel gavman na dipatmen bilong plis.
Mi no amamas long ol wokman bilong gavman na ol privet kampani husat i save wokim wok olsem risev plisman. Dispela ol lain i gat wok pinis na bilong wanem na gavman i kisim ol ken long wok.
Dipatmen bilong plis i mas kisim ol yangpela manki husat i no gat wok long kamap risev

plisman. Planti ol yangpela man husat i no gat wok i laik tru long givim helpim long strongim lo na oda.
Olsem na mi laikim gavman long helpim ol dispela lain na kisim ol.
Dispela em wanpela rot long stapim ol manki long wokim bikhet pasin. Dispela ol yangpela manki bai no inap wokim trabel sapos ol i gat sampela kain wok long wokim.

**Sebastain Stanley
BOROKO**

Stapim pasin bilong salim bodi

Dia Edita,
Inap long yu givim liklik spes bai mi autim komplem bilong mi.
Mi laik toktok long ol pamuk o K2 meri husat i save salim bodi bilong ol.
Yupela ol dispela strongpela pamuk meri i mas ritim gut dispela pas bilong mi.
Mi askim yupela nau long stapim dispela pasin bilong ol wail abus.
Mi ken tokim yupela olsem nogat wanpela man bai maritim yupela. Bikos planti man i mekim nabaut i mekim nabaut long yupela pinis.
Olsem na stapim dispela strongpela wok mani bilong yupela, na marit gut.

**Huruwa Sharp
RABAUL**

Noken apim nem bilong yu yet

Dia Edita,
Mi laik toktok long sampela lain husat i save so op stret. Ol i laik tokim olgeta lain long wanem samting ol i save mekim.
I gat kain kain man olsem. Sampela i save giaman long pulim ol meri. Na sampela i save giaman long apim nem bilong ol, long wanem kain wok ol i mekim.
Dispela em i wanpela pipia pasin stret. Yupela ol kain lain olsem i no ol fit lain.
Yupela mas wokhat tasol na larim ol pipel yet i glasim yupela. Maski long apim nem bilong yupela yet.

**William Joe
GOROKA**

Asua stap long ol wokman bilong sios

Dia Edita,
Mi laik mekim sampela toktok long provins bilong mipela, Is Sepik.
Planti taim mi save harim ol pipel i toktok long kain bikhet pasin i save kamap long Is Sepik. Na ol i save askim ol saveman bilong lo na ol bikman long mekim sampela kain samting long stretim dispela hevi. Tasol nogat senis i bin kamap.
Ating rong i stap wantaim ol wokman bilong sios. Sapos ol i autim tok bilong God gut, ol pipel bai pret long God na stap isi. Bikos God wanpela i ken bagarapim bodi na spirit bilong man. Mipela olgeta ol lotu man i stap long hia. Na ol lotu man tasol i save mekim ol bikhet pasin nabaut. Ating ol wokman bilong sios i autim narapela gutnius, olsem na ol manmeri i bikhet nabaut.

**Timothy Malundi
WEWAK**



Kisim gutpela sindaun long pikinini bilong yu

Yu save lukautim gut pikinini bilong yu. Nau yu mas tingting tu long givim gutpela sindaun long pikinini long bihain taim.


Olsem yu mas opim pasbuk akaur wan aim Nambawan

Haus Moni bilong yumi. Stat nau long sevim moni long

peim skul fi, baim ol buk bilong skul na givim gutpela sindaun long pikinini nau bai em i kamap strong.

Askim nau ol wokmanmeri long PNGBC long opim wanpela pasbuk akaun na ol arapela sevis em yu laikim.

Mipela ken halivim famili bilong yu kisim gutpela sindaun long bihain taim... emi tru!



Salem

**GOVERNMENT WARNING
SMOKING IS DANGEROUS TO HEALTH**

**Give it
to me!**



trukai

**GIVE ME STRENGTH!
GIVE ME HEALTH!**



Dewel meri katim nek bilong meri Finsafen

BIPO bipo tru long ples. Siu long hap bilong Finsafen long Morobe provins, wanpela man i save stap wantaim meri bilong em. Tupela i gat wanpela pikinini meri.

Wanpela de san i bin kamap gut tru. Ol sindaun stori i go na papa i stretim tok wantaim mama long kisim pikinini meri na go na painim sampela abus long bikbus.

Narapela de long bikmoning tru, mama redi kaikai bilong papa wantaim pikinini long kisim i go long bus.

Pikinini meri karim ol kaikai long wanpela bilum na bihainim papa. Tupela wokabaut i go na kamap long bus bilong Awengu. Taim tupela i kamap long dispela hap, san i go daun na klostu bai tudak.

Hariap tru papa katim sampela liklik diwai na mekim wanpela bus haus. Tupela slip i go na bikmoning tru tupela kirap na wokabaut isi isi i go long Tepmarom. I gat bikpela haus bilong ol kapul i stap long Tepmarom.

Papa mekimsave stret long kilim planti kapul. Tupela i no isi. Sampela kapul tupela pulimapim long bilum, na sampela tupela pasim long rop.

Klostu belo na papa



lukim olsem tupela kilim inap kapul bilong karim i go bek long haus.

Tupela kamap long bus haus na paia bungim na katim ol paiawut. Na salim pikinini meri i go pulimapim wara long mambu. Bus haus i stap arere long wanpela wara.

Pikinini meri kisim mambu i go arere long wara na dewel meri kam ausait long hul bilong ston, kisim tamiok na katim nek bilong pikinini meri.

Papa i no save olsem pikinini meri i dai pinis arere long wara. Em wetim pikinini meri long kisim wara i kam i go inap tudak. Em kisim tingting nau olsem pikinini meri i mas painim birua.

Hariap tru em yet bihainim i go long wara na lukim bodi bilong pikinini meri slip arere long wara i stap. Em krai nogut tru tasol em painim hat long

mekim wanpela samting. Bikos dewel meri i pasim tingting bilong em pinis.

Em go bek na lukim pikinini meri i kam wantaim mambu pulap stret long wara. Tasol samting tru em dewel meri i tanim olsem pikinini meri bilong em.

Dewel meri helpim na tupela kukim gras bilong olgeta kapul na katim. Bihain tupela smokim olgeta long paia na slip.

Long moning tupela karim olgeta kapul na wokabaut i go bek long ples. Taim tupela kamap long ples,

mama i lukim na amamas nogut tru. Tasol em i no save olsem dispela i no pikinini meri tru bilong em.

Em laik helpim pikinini meri na rausim bilum kapul long het. Na sem taim het bilong dewel meri i pundaun.

Man em pret olgeta na ranawe i go insait long haus.

Narapela de papa na mama kisim bodi bilong dewel meri i go bek long bikbus na kukim long paia.

Em tasol liklik stori bilong mi.

Pele M. Levo
BKO



“Since advertising in the Yellow Pages we have increased our sales and service activity. When people ring after using the Yellow Pages, we know they are ready to buy.”



“Meri mas bihainim mi”

Dia LAIPLAIN,

Mi promis pinis long maritim meri bilong narapela provins. Papamama bilong mitupela i orait long dispela. Tasol mi wari bikos mi Kristen bilong Pentekostal Sios. Na pren meri em Kristen bilong Protestan Sios we i gat narapela kain rul.

Mitupela i gat bikpela laik na amamas long marit. Tasol wanem samting bai kamap long bihain long wanem lotu bilong go, mekim tokorait long plenim na lukautim famili.

Mi plenim olsem sapos mitupela i marit, em i mas kam long lotu bilong mi. Bikos mi het bilong famili.

PRESUMING

Dia PREN,



Ol kain marit i ken kamap gut, sapos nau yet yupela stretim dispela hevi. Yu na pren meri i mas toktok pastaim long dispela wantaim famili, na ol pasto bilong tupela sios wantaim.

Yu tok olsem het bilong famili, meri mas joinim lotu bilong yu. Kain tingting i ken bagarapim marit. Olsem het bilong famili i no min yu wanpela bai mekim ol tokorait. Yu mas toktok tu wantaim meri pastaim.

Yutupela mas painimaut long tingting bilong God. Olsem na yutupela wantaim i mas prea strong. Na tu ritim Ephesians, sapta 5, lain 21 i go long 33.

Dispela hevi i mas stret bipo yutupela i marit.

MI LAIPLAIN



Ray Asi
Accountant
Daikin
176 calls POM
24 calls LAE in 16 weeks*

DAIKIN SALES, SERVICE & INSTALLATION OF AIR CONDITIONING AND REFRIGERATION SYSTEMS
FROM DOMESTIC TO LARGE COMMERCIAL COOLING P.N.G.

PORT MORESBY
25 1405
P.O. BOX 1394, BOROKO
Fax: 25 3806

LAE
42 6952
P.O. BOX 2112, LAE
Fax: 42 2638

ARCON ENGINEERING LTD.
Member of the Kenmore Group of Companies

*Calls are electronically metered through a dedicated survey telephone



yellow pages

P.O. Box 2311, Boroko. Fax: 25 6404

1993 Directory closes 20th November 1992

Phone: 25 8344 Today!

More business for your business!



WANTOK

BISNIS LONG PAPUA NIUGINI

WANTOK

Is Sepik Semba ov Komes gat nupela bos nau

GODFRIED NIAKA i raitim

MAN Kubalia em nupela presiden nau bilong Is Sepik Semba ov Komes.

Nem bilong nupela presiden em Valentine Kambori. Mista kambori i gat 34 krismas na i bilong ples Haniak.

Ol eksekutiv bilong Semba ov Komes i votim Kambori i go long dispela sia long las wik long wanpela kibung bilong ol.

Bihain long vot, Mista Kambori mekim bikpela tok tenkyu i go long ol eksekutiv long bilip long em, na makim em long lukautim wok bilong Semba ov Komes.

Mista Kambori i skruim tok olsem Semba bai traim givim gutpela sevis long ol manmeri bihainim nupela polisi bilong gavman. Dispela em long mekim ol gavman bodi long kamap praivet.

Em i tok tu olsem Is Sepik Semba ov Komes bai traim long mekim ol praivet bisnis i ran gut insait long provins. Na dispela bai helpim ol praivet kampani long kisim kaikai bilong hatwok bilong ol.

Prais bilong ol diwai kes krop go antap

PRAIM Minista Paias Wingti i tokaut long Tunde Oktoba 27 olsem gavman i apim pinis namel prais bilong ol diwai kes krop, na bai stap long wankain long 5-pela yia olgeta.

Mista Wingti i tokaut long dispela bihainim askim bilong wanpela komyuniti lida bilong Wes Nu Briten, Alois Liva. Mista Liva em olpela provinsal memba bilong Mosa konstituensi.

Mista Liva i bin askim olsem gavman i mas strongim prais bilong ol bikpela kes krop long wanpela mak tasol. Long wanem prais bilong ol i save senis tumas bihainim ol prais bilong wol maket. Na dispela i save

mekim hat long ol groa na fama long mekim baset bilong baim ol fetalaisa o marasin samting.

Mista Liva i mekim dispela askim taim praim minista Wingti i lukluk raun long hap long stat bilong dispela mun, na tokaut long tokorait bilong kabinet long rausim ol provinsal gavman.

Las wik kabinet i tokorait long namel prais bilong kopi long stap long K2,300 long wanwan tan Fri on Bod (FOB), dispela em long ol "Y" Gret kopi; kakao long K1,200 long wanwan tan long ai bilong stua (DIS), kopra long K250 wanwan tan long depot (Smok); na wel pam long K26 wanwan tan long ol Fres Prut long wanwan

punch.

Ol dispela prais bai stat long Novemba 1, 1991.

Mista Wingti i tok dispela em i bikpela tokorait gavman i mekim. Na tokaut olsem gavman bai helpim ol fama long kisim gutpela helpim o bekim long hatwok bilong ol. Dispela helpim i no bilong wanpela mun, tasol bilong 5-pela yia olgeta.

Em i tok dispela bai i kos bikpela mani. Tasol ol i bilip olsem dispela em i wanpela gutpela rot bilong yusim mani.


Em i tok planti famili insait long Papua Niugini i save strong long wok agrikalsa.

i go moa long pes 18

'PNG Made Fair' bai kamap long olgeta yia



• Ol wokman bilong Dunlop i soim ol samting ol i save mekim long tripela waitman. *Ol foto: Rudolf Ayu.*



• Tupela wokman bilong Atlas Steel PNG i ranim masin ya i save wokim ol waia bilong hangamapim ol slot na singles.

GRUP i lukautim ol kampani i save mekim ol samting insait long Papua Niugini yet i bilip long mekim moa samting long narapela 5-pela yia.

Nem bilong dispela grup em 'Papua New Guinea Chamber of Manufacturers'.

Siaman bilong Semba, Wayne Golding, i tok olsem bihain long so bilong ol las wiken, em i bin kamap long Mosbi na i pulim planti manmeri tru. Nem bilong dispela so em 'PNG Made Fair'.

Insait long dispela so, ol kampani i soim ol prodak o samting ol i save mekim insait long kantri yet.

Dipatmen bilong Tred na Indastri na Semba i wok bung wantaim long putim kamap dispela so. Kos bilong putim kamap so ya em K300,000 olgeta.

Mista Goulding i tok ol kampani insait long PNG i ken stat long mekim samting ol i save mekim long narapela 5-pela yia.

Nau yet ol manmeri long Papua Niugini i save tromoi namel long 60 na 65 pesen long ol samting, em i save kam long ol arapela kantri. Semba i pilim olsem dispela i no gutpela. Semba i pilim olsem wantaim sapat bilong gavman, dispela mak i mas go daun long 25 pesen.

Semba i plenim tu long holim wankain so long ol siti klostu long PNG olsem long Kens na Brisben, Australia.

So bilong las wiken i pulim tu sampela bikman bilong Kwinslen long Australia. Bikman bilong ol main kampani insait long kantri i lukluk raun tu long so.

Beng luksave long kastoma

JAMES KILA i raitim

OL BENG i mas luksave long ol gutpela kastoma husat i gat inap save na bikpela laik long kamapim gut na bikpela bisnis bilong ol.

Deputi praim minista na Fainens na Plening minista, Sir Julius Chan i tok olsem las wik long wanpela kaikai. Menesing dairekta bilong PNGBC, Sir Mekere Morauta i bin holim dispela kaikai wantaim ol brens menesa bilong PNGBC.

Sir Julius i tokaut olsem gavman bai kirapim na sapatim yet ol bodi olsem Yuropian Invesmen Beng (EIB), na Smol Skel Bisnis Dvelopmen Fesiliti (SSBCF).

Dispela em long helpim ol lokal bisnismen long kisim dinau, we ol i ken bekim long longpela taim wantaim liklik interes tasol.

Vuestamp

All kinds of Rubber Stamps

SPECIAL!!

ready made & self inking stamps 50t and 90t each 30 different titles.

Common Seals in 24 hours

ALU SIGNS PTY LTD

P.O. BOX 7081, BOROKO. PH: 25 4600
STORE: NEAR BOROKO POLICE STATION



Salim kakaruk arere long rot • Ol lain ya arere long Okuk Halwe i go olsem long Kundliawa i save putim dispela bikpela notis bod arere long rot olgeta de. Na ol PMV i save lukim na stap sapos sampela pasindia i laik balm kakaruk. Prais bilong wanpela kakaruk em K10. *Poto: Michael Koma.*

KOPRA

Pe bilong kopra i go antap nau long K30 long wan wan tan long dispela yia. Pe bilong ol bikpela depo olsem Mosbi, Alotau, Lae, Madang, Wewak, Kavieng, Toboi, Kimbe na Kieta i stap olsem:

Smoke	K263
F.M.S	K265
Hot Air	K268

Na pe bilong kopra long ol liklik depo i stap olsem:

SAMARAI	Smoke	K231
	F.M.S	K233
	Hot Air	K236

KANDRIAN na NAMATANAI	Smoke	K228
	F.M.S	K230
	Hot Air	K233

BUKA	Smoke	K227
	F.M.S	K229
	Hot Air	K232

FINSCHHAFEN	Smoke	K223
	F.M.S	K225
	Hot Air	K228

LORENGAU	Smoke	K198
	F.M.S	K200
	Hot Air	K203

KEREMA	Smoke	K218
	F.M.S	K220
	Hot Air	K223

KARKAR	Smoke	K200
	F.M.S	K202
	Hot Air	K205

CMB nau bai i no inap long kisim moa prais sapat long Gavman. Dispela i stat long Janueri 1, 1992

KAKAO

PRAS bilong drai kakao long wanwan tan long Rabaul long Mande inap long Fraide long las wik.

Mande	Tunde	Trinde	Fonde	Fraide
19/10	20/10	21/10	22/10	23/10

Pe ol baiya sasim long papa bilong fementri

K689	K666	K678	K693	K696
------	------	------	------	------

Sapat prais	K455	K455	K455	K455	K455
-------------	------	------	------	------	------

Prais ol papa bilong fementri i kisim

K1144	K1121	K1133	K1148	K1151
-------	-------	-------	-------	-------

Sapat prais bilong kakao long dispela mun em K628.95. Dispela prais i no wankain olsem pe bilong kakao long ol narapela hap bilong kantri.

KOPI

Pe bilong drai arabika na robusta kopi long wanwan kilogram long Oktoba 19, 1992. Dispela i karamapim prais bilong kopi long dua bilong faktori, na i no long sait bilong rot.

Arabika :	
Kainantu	K110 to 113
Goroka	K110
Minz na Banz	K0.93 to 100
Hagen	K0.93 to 95
Lae	K0.85
Mumeng	K0.85
Wau/Bulolo	NO
Madang	K0.75

Ol ripot i kam long Kopi Indastri Kopresen. Mipela i no kisim ripot bilong Kundliawa, Wapenamanda, Mendi, Erap, Aseki, na Wasu.

Robusta :	
Is Sepik	K0.60 to 65
Madang	K0.50

Ripot bilong ol arapela senta husat i save goim robusta kopi i no kamap.

RABA

Gavien faktori (ESP) - 21 t/kg
Doa faktori (Sentrel) - 36 t/kg inap long 39t/kg

KADAMON

Prais bilong kadamon em A. T. Agri Ejensi Pty Ltd long Madang i tok aut long en i stap olsem:
Drai long san em namel long K0.80 na K1.10.
Drai long fektori em namel long \$6.50 na \$8.00.
A. T. Agri i lukautim Kobum Spice em i stap long Bundi we planti ol kadamon i save kam long en.

PRAIS BILONG OL BENSIN

Kos long wanpela lita	
Ex Pump (Wantaim takis)	
Petrol	51.9 toea
Diesel	38.8 toea
Kerosin	43.0 toea



Pawa bilong Aitape winim olgeta arapela

BENSTEAD TARU
i raitim



SAPOS yu sanap long maunten ausait long Aitape taun long Wes Sepik na lukluk i go daun, yu bai kirap nogut long we taun ya i slip i stap.

Aitape i gat planti samting long pulim ol pipel i go long hap.

Em i gat stori bilong em long Wol Wo 2 taim ol soldia bilong Japan na ol Amerika na Australia i bin pait long hap. Yu ken lukim olpela ples balus bilong ol Japan long Tadiji na ol narapela samting bilong woa olsem ol bas, draidok bilong ol sip, ol katres na bom nabaut long hap.

Ples tu i nais tru. Na i save pulim ai na tingting bilong ol man taim ol i go long hap. Kain samting olsem i bin kamap long wanpela man bilong kantri Holandia taim em i go long Aitape long 1960.

Em i lukim Aitape na tingting long sindaun long hap. Man ya em Peter Mertz. Em i bin

• Olsem planti arapela maket insait long Momase rijon, Aitape maket i save pulap long ol kain kain kaikai bilong gaden na bus. Na mit bilong ol abus. Olsem na dispela i save pulim planti lain i go long dispela liklik taun bilong Wes Sepik.

stap long Lae na i go long wanpela sip M.V. Papan Explorer na lukim Aitape.

Na em i go sindaun namba wan taim tu long Ali ailan ausait tasol long Aitape inap long 6-pela mun. Na em i lusim na i go long Kainantu long Isten Hailans provins. Bihain em i lusim na i go wok raun long Lae, Rabaul, Wewak na Madang. Na em i mekimolsem inap long 26 yia olgeta.

Long 1990 taim Peter i wok i stap long

Madang, em i skelim laip na raun bilong em. Na tingting i kisim em olsem dispela 26 yia em i stap long Papua Niugini i bin lus nating. Na em i taim nau bilong em long sindaun, malolo na mekim sampela wok.

Pawa bilong Aitape i holim em pinis. Olsem na em i no tingting moa long go we. Em i go bek stret long Aitape. Wanpela tingting tasol i save stap long em taim em i raun nabaut. Na dispela em long baim

Aitape Hotel.

Olsem na em i lusim wok long Madang na go lukim ol beng long kisim sampela dinau long baim dispela hotel na stretim. Ol beng i orait tasol na emi kisim mani na mekim dispela wok.

Orait em i stat long wok na stetim dispela tustori haus long hap. I no longtaim, em i pinisim hap wok na opim hotel, em bekim dinau bilong em. Taim em i mekim olsem, em kirap na wokim narapela haus gen.



Ol plisman bilong bipo ... poto ya i soim ol yangpela bilong ples Moroma insait long Kerowagi long hap bilong Simbu provins. Ol i karim ol giaman sotgan na mas i go taim ol i wokim wanpela pilai drama. Drama ya i bihainim wok bilong ol plisman long taim bipo.

Ol yangpela bilong Moroma i kamapim dispela drama taim ol i opim wanpela nupela rot insait long ples bilong ol. Simbu provinsal gavman i putim K5,000 long wokim dispela rot. Poto: Michael Koma.

Red Kros kisim K15,000 helpim

GODFRIED NIAKA i raitim.

JENEREL menesa bilong SP Holding, Don Blum, long Tunde Oktoba 27, i givim wanpela K15,000 sek mani i go long 1992 Mis Papua Niugini, Jenny Lemeki.

Dispela mani i no bilong Mis Lemeki long yusim long laik bilong em. Nogat. Dispela mani i bilong Papua Niugini Red Kros Sosaiti long yusim long helpim husat manmeri i kisim bikpela bagarap long ol birua olsem paia, win na guria.

Mis Lemeki i tok dispela K15,000 sek mani em

Red Kros bai yusim long kain kain bikpela wok long helpim ol manmeri husat i kisim bagarap.

Em i tok as tingting bilong Red Kros long holim Mis Papua Niugini resis long olgeta yia em long bungim mani long mekim wok bilong en long helpim ol manmeri husat i kisim bagarap.

Long namba tu wik bilong mun Novemba, Mis Lemeki bai go long Filipin long stap insait long Mis Esia resis. Bihain long dispela em bai kam bek. Na go raun long olgeta bikpela Red Kros senta insait long Papua Niugini.

Nau yet Mis Lemeki i wok wantaim Papua Niugini Red Kros Sosaiti long Mosbi olsem dairekta.

NOKEN PEIM MOA LONG OL STOA!



10t



10t



10t



10t



5t

Sapos ol askim moa...go long narapela stoa!

WANTOK **BISNIS LONG PAPUA NIUGINI** **WANTOK**

PNG mekim tokorait wantaim IRRI long planim moa rais

GAVMAN bilong Papua Niugini i sainim wanpela tokorait pinis wantaim Intanesenel Rais Risets Institut (IRRI).
 Minista bilong Agrikalsa, Roy Evara na dairekta jenerel bilong IRRI, Klaus Lampe i bin sainim dispela tokorait PNG long Septemba 22 long IRRI risets senta long Los Banos, Filipin. Aninit long dispela tokorait bai wok klostu wantaim ol lain bilong IRRI long 5-pela yia long kamapim wok bilong rais insait long kantri.
 "Rais em i wanpela nambawan kaikai bilong samting olsem 3.8 milien manmeri insait long PNG," Evara i tok. Nau yet Papua Niugini i save wokim samting olsem 1000 tan rais na dispela em i wanpela pesen tasol long mak bilong rais em

yumi save kaikai. Long 1991, PNG i bin baim samting olsem 160,000 tan long ol arapela kantri long mak bilong K40 milien.
 "Mipela laik kirapim tingting bilong ol wanwan papa bilong graun na ol bikpela kampani long planim moa rais," Evara i tok.
 "Papua Niugini na IRRI bai painim helpim mani na ol i ken yusim long baim pikinini bilong rais, trening na kisim ol saveman long helpim PNG i kamapim gutpela rais bilong ol yet. Mipela bai givim namba wan tingting long kamapim gutpela rais risets we em i ken kamapim gutpela rais long ol Papua Niugini manmeri i ken kaikai," Lampe i tok.

Chevron helpim tupela skul long Sauten Hailans

JAMES KILA
i raltim

LAS wik Chevron Niugini i givim K10,000 i go long tupela skul insait long Sauten Hailans provins.
 Jenerel menesa bilong Chevron Niugini, Mack Puckett i givim K5,000 sek mani long Mendi Vokesinel Skul na narapela K5,000 sek i go long Mendi haiskul.
 Mista Puckett i go wantaim meri bilong em, Rita na mekim dis-

pela. Wanpela voluntia woka bilong Kanada, Verence Hoffman i soim tupela raun tu long Mendi Vokesinel skul.

Hoffman i tok Mendi Vokesinel bai yusim K5,000 long baim sampela masin bilong samapim ol klos laplap, na tu ol samting bilong kuk long haus kuk. Ol yangpela skulmeri bai yusim ol dispela samting long lainim long samap na kukim ol gutpela kaikai.

Na ol skulboi bai baim ol masin bilong mekim ol wok long timba. Mendi Vokesinel ikisim helpim pinis long sampela ogenaisesen long bipo.

Mendi provinsal haiskul i tok ol bai yusim dispela mani long mekim sampela senis, we ol studen bai i kalap nogut long lukim 1993 skul yia.

Long bipo, Chevron i bin baim skul fi bilong sampela studen bilong skul. Dispela em ol studen husat i kam long Kutubu na Poroma wantaim ol ples klostu long Kutubu wel projek.

Long ol pipel bilong Mendi, Chevron i bin givim sampela mani long helpim Mendi pablik laibri, NBC, na Mendi haus sik. Chevron i givim sampela mani tu long helpim namba 10 Sauten Hailans provinsal gavman de.

Is your phone number in the range of

250 to 259

Telephone and Fax Customer numbers beginning with 250xxx to 259xxx will soon be connected to a new Digital Exchange in Boroko.

In fact the new Digital Exchange will be in operation during the month of November, 1992. The actual date will be advised through the Media soon.

WHAT DOES THIS MEAN?

The new Boroko Digital Exchange will provide a much improved grade of service to our customers including:-

- ★ Reduced Congestion
- ★ Faster Dialling
- ★ STD, IDD Detailed Billing
- ★ Reduced Maintenance time
- ★ Faster connection time
- ★ Enhanced facilities



Post & Telecom
Keeping you in touch

PE BILONG AIR NIUGINI LONG PNG TASOL

KISIM LONG I GO LONG PE BILONG	BALUS	PE BILONG KAGO
POM Alotau	K101	K1.01
POM Daru	K117	K1.17
POM Goroka	K114	K1.14
POM Hoskins	K140	K1.40
POM Kavieng	K234	K2.34
POM Kundiawa	K113	K1.13
POM Lae	K95	K0.95
POM Madang	K129	K1.29
POM Manus	K206	K2.06
POM Mendi	K136	K1.36
POM Misima	K155	K1.55
POM Mount Hagen	K132	K1.32
POM Popondetta	K59	K0.59
POM Rabaul	K187	K1.87
POM Tabubil	K189	K1.89
POM Tari	K153	K1.53
POM Vanimo	K234	K2.34
POM Wapenamanda	K141	K1.41
POM Wewak	K180	K1.80

Ol kago em hevi abrusim i6kg bai gat pe

Exchange Rates

PNGBC		
Bank buys at:	Notes	T/T
Australia	1.4880	1.4570
USA	1.0558	1.0275
UK	0.6802	0.6539
Bank sells at:		
Australia		1.4460
UK		0.6409
USA		1.0195
Solomon Islands		2.9999
China		5.5070
Fiji		1.5545
Hong Kong		7.8224
India		28.207
Japan		123.37
New Zealand		1.8889
Philippines		24.350
Singapore		1.6352
Switzerland		1.3731
Germany		1.5440
Gold rates (in US\$):		
per ounce		\$337.7
per gramme		\$10.88

Prais bilong kes krop go antap

i kam long pes 16 Na dispela helpim bai mekim planti pipel i kisim tingting olsem ol i ken kisim gutpela helpim long wok agrikalsa long ples.

Ol dispela nupela prais i antap liklik long ol sapot prais. Aninit long dispela skim, prais bilong o FOB kopi long wanwan tan long nau yet em K2050, tasol em i goap nau long K2501, sapos prais bilong smok kopra nau yet long ol depot em K171 long wanwan tan, tasol em i goap nau long K89 aninit long nupela namel prais; prais bilong kakao i stap long K1140 long wanwan tan, i go antap nau long K60 DIS na wel pam long K1 long wanwan tan FFB i goap nau long K5.

Nau yet maket prais bilong ol dispela bikpela kes krop i stap aninit long dispela nupela namel prais. Olsem na ol groa bai kisim helpim hariap tru taim dispela skim i stat long namba wan de bilong mun Novemba.

WANTOK

NIUSPEFA BILONG OL PAPA NIUGINI STRET

PABLIK NOTIS

Sapos yu laik advertais, telepon 25 2500 na askim long

PH. Min Aion Ext 203
Johnlagata Ext 215
Kusinto Fotagru Ext 215
Boroko Ext 202

DOG TAG ORDERING & INFORMATION

- ORDERS:** Can be mailed, phone in, faxed in or picked up personally.
- MAIL IN ORDERS:** Are dispatched at least two (2) weeks after receipt of order.
- PAYMENT:** Can be made by bank cheque payable to KAWANG P/L.
- DOG TAGS AND ACCESSORIES:** Can be ordered separately, brake down as follows.
- CHAINS:** All chains are K1.50 each per piece. 2 chains per set of tags K3.00.
- DOG TAGS:** Are K5.50 each printed with whatever you like. 2 tags per set K11.00.
- SILENCERS:** Stop clinking and are K1.50 each. 2 per set of tags K3.00.
- POSTAGE:** For Dog Tags and Accessories is K1.50 per order, you may include as many order as you like, and postage still will be K1.50 to one address.
- DOG TAGS:** Stainless Still are genuine issue to United States arm forces.
- BLACK TAGS:** Are stainless steel coated black and should be ordered with rubber silencers to prevent scratching.
- BRASS TAGS:** Are solid brass and look great when polished.

TEMPORARY FAX FOR ORDER IS 27 4501.

ORDER FORM G.I. DOG TAGS GENUINE GOVERNMENT ISSUE STAINLESS STEEL DOG TAGS

NAME: _____
ADDRESS: _____
Phone: _____

- Stainless Steel set with chain K12.32
- Subdued black set with chain K12.32
- Brass tags with stainless steel chain set K12.32
- Rubber silencers, stops clinking K3.00
- Postage and handling K2.00

Please supply name, rank, number/religion, blood type, service, allergies or anything you want, up to 15 letters and 5 lines.

ONE LETTER OR SPACE TO EACH SQUARE

NATIONALITY	1	2	3	4	5	6	7	8	9	10	11	12	13	14	15
REGIMENTAL NO															
SURNAME & INITIALS															
RELIGION															
BLOOD GROUP															

U.S. EQUIPMENT

American uniforms, woodland np stop, day desert black swat, OD jungle fatigues, tiger stripe, boonie hats, Devlar helmet, jungle boot, ponchos and liners

KAWANG MILITARY AND CAMPING SUPPLIES,
P.O. BOX 4981, BOROKO, N.C.D
PAPUA NEW GUINEA

PH: 25 9575 (SHOP) FAX: 27 4501

A 100% NATIONALLY OWNED COMPANY

WANTOK
NIUSPEFA BILONG OL PAPA NIUGINI STRET
PNG's Tok Pisin newspaper

40¢ NEW!
THE TIMES NEW!

Weekend
Weekly
SPORTS 30¢
NEWSPAPER

BASKETBALL

SOME PEOPLE DON'T TAKE STUDYING BY MAIL SERIOUSLY

Some people believe that you cannot get a good education through Distance Education. Some people believe that because you are getting your education through a correspondence school that you don't have to work for your diploma or your degree. Some people confuse "phony degree mills" with legitimate Distance-Education Schools. If you are one of these people don't read any further.

ICS is looking for people who take their education SERIOUSLY, whether attending a traditional college or studying by mail. We are looking for people who will apply themselves and work hard to get the full value of the training that ICS offers. Diplomas and Degrees are issued upon successful completion of a course accredited by the National Home Study Council... your guarantee of a quality education. If you take your education seriously and want to train for a new career or improve your job skills for advancement in your present job, ICS may have the right career training for you. Choose from 60 career courses listed below. Select the one career field you would like to train for and indicate that choice in the coupon below. Cut out this ad and mail it to ICS TODAY. We will send you a detailed course outline and tuition schedule by return Airmail. There is no obligation.

SEND FOR FREE FACTS—NO OBLIGATION

Z201A



International Correspondence Schools, Dept. TTTA2
Box 1900, Scranton, PA 18501-1900 U.S.A.

ASSOCIATE IN SPECIALIZED BUSINESS DEGREE PROGRAMS

- 60 Business Management
- 61 Accounting
- 80 Business Management with option in Marketing
- 81 Business Management with option in Finance
- 64 Applied Computer Science
- 68 Hospitality Management

ASSOCIATE IN SPECIALIZED TECHNOLOGY DEGREE PROGRAMS

- 67 Electronics Technology
- 63 Civil Engineering Tech
- 62 Mechanical Engineering Tech
- 65 Electrical Engineering Tech
- 66 Industrial Engineering Tech

CAREER DIPLOMA PROGRAMS

- 56 Computer Programming in BASIC
- 07 U.S. High School Diploma
- 02 Electronics
- 05 Hotel/Restaurant Management
- 13 Professional Secretary
- 35 Travel Agent
- 14 Air Conditioning & Refrigeration
- 32 Art
- 59 Catering/Gourmet Cooking
- 20 Medical/Dental Office Assistant
- 51 Fashion Merchandising
- 33 Motorcycle Repair
- 52 Surveying & Mapping
- 22 Wildlife/Forestry Conservation
- 47 Animal Care Specialist
- 260B Building Trades
- 106 General Business
- 16 Practical English
- 89 Small Engine Repair
- 50 Starting Your Own Business
- 08 Legal Assistant
- 69 Computer Programming in COBOL
- 48 Computer-Assisted Bookkeeping
- 42 Dressmaking & Design
- 87 TV/Video Repair
- 04 Auto Mechanics
- 12 Interior Decorating
- 18 Bookkeeping
- 06 Electrician
- 03 Child Day Care
- 38 Personal Computer Specialist
- 29 Police Sciences
- 10 Private Security Officer
- 09 Legal Secretary
- 55 Diesel Mechanics
- 94 Fitness & Nutrition
- 85 Drafting
- 260A Architecture
- 260C Machine Shop
- 161 Engineering
- 41 Journalism/Short Story Writing
- 40 Photography
- 70 Computer-Assisted Small Business Mgmt
- 79 Electronics Technician
- 91 Cartooning
- 25 Firearms Repair
- 27 Personal Computer Repair
- 26 Teacher Aide
- 30 Floral Design

Get FREE Information—
MAIL ENTIRE AD TODAY

Write the number of the one career that interests you _____

PLEASE PRINT

MR / MRS / MISS _____

AGE _____

ADDRESS _____

CITY/COUNTRY _____



MEDIA STATEMENT

Ol Primia bilong NGI i no makim maus bilong ol pipel

Memba bilong Manus na Minista bilong Komyunikesen, Martin Thompson i tok (long Sarere, 23 Oktoba) olsem toktok bilong ol Niugini ailan long bruk lusim PNG i no liklik samting. Em i brukim tru lo bilong kantri.

Minista bilong Komyunikesen i tok dispela em wanem samting primia bilong em yet long Manus, Steven Pokawin i go pas na laik mekim. Dispela i no gutpela na inap kamapim bikpela asua wantaim stet.

"Mi wantaim planti lain long dispela kantri i save rispektim dispela man olsem wanpela trupela gutpela lida. Tasol nau em i laik brukim dispela pren namel long Kwin, Gavana Jenerel, Nesenel Gavman na Mama Lo bilong kantri," Mista Thompson i tok.

"Wankain toktok i go long ol dispela lida bilong Niugini ailan rijon husat i laik bihainim kain longlong pasin olsem. Ating het bilong olgeta i lus pinis.

"Primia bilong mi yet, Mista Pokawin i mekim pinis pasin nogut long ol pipel bilong Manus em mitupeja wantaim i makim.

"Dispela Gavman i soim pinis olsem em i laik bilong ol pipel long mekim samting bilong helpim na kirapim kantri, tasol ol Primia i laik yusim dispela long kirapim kros, pait na bel hevi namel long ol pipel na kantri.

"Dispela kain pasin i bilong ol gridiman na lesman. Dispela i soim ples klia olsem ol toktok bilong Nesenel Gavman i stret. Em i soim wanem kain bos na pawaman en Papua Niugini i kamapim insait long ol provinsal gavman. Dispela kain pasin i suvim ol liklik pipel bilong kantri i go antap long lada na kamap long hap em ol i ting olsem ol i praim minista.

"Insait long ol dispela toktok, wok bilong givim ol kaikai, sevis na helpim samting i

bikpela moa. Em i gutpela olsem ol lida bilong kantri i tingting nau bai palamen inap rausim ol provinsal gavman tumora. Mipela ol lida i mas mekim ol dispela samting long helpim ol pipel bilong Papua Niugini. Bikos long olgeta samting i kamap, ol pipel bai kamap namba wan samting bihain gen.

"Mi save olsem long provins bilong mi yet, planti pipel i sapotim tru dispela tingting bilong rausim ol provinsal gavman. Na dispela kain tingting i kam long wanpela provins we ol i tok pasin bilong provinsal gavman i wok long kamap gut."

Minista Thompson i tok taim Nesenel Gavman i wok long wok hat long stretim hevi long Bogenvil ailan, ol Primia i laik kamapim gen narapela samting na singautim wanpela ovasis praim minista long kam toktok long ol.

"Samting ol i mekim nau i klia tru olsem ol yet i no inap stretim hevi insait long kantri. Na nau ol i laik go het na bruk lusim PNG. Ol i singaut nau long Solomon Ailan long helpim ol.

"Mi laik askim ol pipel bilong mi yet long Manus na olgeta pipel bilong Papua Niugini long luksave olsem dispela toktok bilong provinsal gavman i no bilong Paias Wingti tasol. Em i toktok bilong helpim olgeta man, meri na pikinini long Papua Niugini.

"Mi laik tok klia long ol pipel bilong Manus na Papua Niugini olsem Stephen Pokawin i bin mekim ol dispela toktok olsem politikel mausman bilong ol lida long Niugini ailan na i no olsem Primia bilong Manus. Ol pipel bilong Manus i no sapotim dispela tingting bilong em long lusim PNG. Na ol arapela lida bilong Niugini ailan tu i no gat wankain sapot bilong ol pipel bilong ol.

Martin Thompson, M.P.
Minista bilong Komyunikesen.

WANTOK

NIUSPEFA BILONG OL PAPUA NIUGINI STRET

PABLIK NOTIS

Sapos yu laik advertais, telepon 25 2500 na askim long

PH: Miri Aiori - Ext. 203
John Iagata - Ext. 215
Kosinto Fosagu - Ext. 216
Bonner Hui - Ext. 202

Gavman tok long sapotim prais bilong ol kes krop inap long 5-pela yia

Praim Minista Paias Wingti i tokaut long asde olsem Gavman bai apim prais bilong ol samting olsem kopra, kakao na kopi long kantri. Na dispela prais bilong ol samting bai stap inap long narapela 5-pela yia.


Long las wik, kabinet i oraitim ol nupela prais long stap olsem: kopi em K2,300 long wanpela tan FOB "Y" Gret; kakao em K1,200 long wanpela tan em ol i baim long stua; smok kopra em K250 long wanpela tan long depo; na wel pam em K26 long wanpela tan em ol i kisim nau tasol.

De bilong stat kisim ol dispela nupela prais em long 1 Novemba, 1992.

Mista Wingti i tok, "Dispela em i wanpela bikpela samting gavman i mekim. Nau mipela i yusim Gavman long helpim tru ol fama na bekim ol hatwok bilong ol. Na dispela helpim i no bilong sampela mun tasol, nogat. Em bai stap inap long 5-pela yia olgeta.

"Kos bilong dispela i no liklik. Tasol mipela i lukim olsem mani i lus long dispela wok bai go long gutpela rot. Bikpela lain manmeri na pikinini bilong dispela kantri i save kisim mani bilong ol long wok didiman. Olsem na mipela i mas sapotim dispela. Mani bai i go long gutpela rot tu bikos em bai tanim tingting bilong ol pipel olsem pasin bilong stap long ples na wok didiman i gat gutpela kaikai long en."

Dispela ol nupela sapot prais i bikpela tru winim ol arapela nau i stap long en. Aninit long skim nau i



stap, prais bilong wanpela tan FOB kopi em K2050. Na nau em i kalap i go antap long K250 mak; prais bilong smok kopra nau long depo em K171, na i

WANTOK

NIUSPEPA BILONG OL PAPUA NIUGINI STRET

PABLIK NOTIS

Sapos yu laik advertais, telepon 25 2500 na askim long

PH Min Aion Ext 203
John Lagata Ext 215
Kosinto Fosagu Ext 216
Bonner Hui Ext 202

kalap i go antap long K89 mak aninit long nupela tok orait; kakao i stap long K1140 long wanpela tan (nau em K60 moa) na wel pam long K21 nau i go antap long narapela K5.

Prais bilong ol dispela samting nau long maket i daunbilo tru. Olsem na ol groa bai kisim gutpela sapot long ol nupela senis em Gavman i mekim long prais bilong ol kakao, kopi, kopra na wel pam stat long 1 Novemba.

Maket prais bilong ol dispela samting nau em: Kopi - K1,200 long wanpela tan; Kakao - K700 long wanpela tan; Kopra - K190 long wanpela tan; na prais bilong wel pam i stap namel long K8 i go inap long K25.

Mista Wingti i tok, "Mi tokim pinis ol pipel bilong Papua Niugini olsem gavman bilong mi em i gavman bilong ol fama. Olsem na mipela i mekim samting long soim olsem toktok bilong mipela bai karim kaikai."

"Mi save olsem ol fama long bipo yet i kam inap nau i no save ksim gutpela helpim.

"Stat long 1989 i kam inap nau, mani long egrikalsa stabilisesen fan i pinis. Long wanem prais bilong ol samting long ovasis maket i daunbilo tru."

"Gavman bilong mi i laik tokim ol groa olsem prais bilong ol samting nau i daunbilo tru. Sapos maket prais i pundaun na abrusim dispela ol prais, gavman bilong mi bai helpim ol groa. Olsem bai ol i no inap kisim mani aninit long ol prais nau i stap long en.

"Mipela i tokaut long givim ol sapot prais long 5-pela yia olsem bai ol fama inap luksave na redi long dispela. Na ol bai yusim dispela ol prais olsem as bilong mekim ol samting."

Long skruim dispela toktok, kabinet i tok orait long sasim ol takis sapos prais bilong ol samting i go antap abrusim dispela ol sapot prais nau i stap long en.

Long olgeta yia, wok sekap bai kamap bilong lukluk long dispela helpim program. Na kos bilong ol samting. Tasol program yet bai bihainim kain rot olsem mipela i toktok pinis long en.

Sapos bihain long 5-pela yia na maket prais bilong ol samting i stap daunbilo yet, sampela senis bai kamap long program.

Ol helpim program bai kamap bilong wok klostu wantaim ol program bilong mekim ol wok sekap, na rot bilong painim ol nupela na gutpela maket pro-

gram bilong helpim wok bilong ol dispela wan wan samting.

Mista Wingti i askim ol groa long wok strong wantaim helpim ol i kisim long gavman.

Bihain ol toktok em i mekim long Fraide long bung bilong ol Semba ov Manufeksera, Prais Minista i askim ol groas, ol bikpela fektori na ol lain bilong wokim ol samting long Papua Niugini long stap strong na kamapim ol samting insait yet long PNG.

"Ol groa i mas kisim dispela ol helpim olsem samting em ol i kisim long hatwok bilong ol. Na ol i no ken tingting long em olsem wanpela fri helpim. Ol i mas luksave olsem dispela em helpim gavman bilong mi i givim long ol fama.

"Em i gutpela long larim ol fama bilong yumi long yusim dispela helpim em i stap long kantri na yusim wantaim ol arapela helpim em gavman i tingting long givim long kamapim planti na gutpela samting we i ken pulim gutpela prais long wol maket.

"Mi askim ol fama long kamapim ol gutpela samting. Gutpela samting tasol bai pulim gutpela prais na wokim Papua Niugini i painim ples long wol maket."

Dispela sapot bilong gavman em i gutpela bikos nau yet olgeta mani long stabilisesen fan em ol i save givim long ol bikpela bisnis bilong diwai kaikai i pinis.

Fan bilong Kakao i bin pinis long mun Me long 1989, Kopra long Februeri 1990 na Kopi long mun Jun, 1991. Wan wan Wel Pam projek i gat stabilisesen fan bilong ol yet. Fan bilong Bialla na Higaturu i bin pinis long mun Februeri na Epril long 1990. Na ol i bin baim ol groa bilong Hoskins long mun Jun 1992.

Authorised for release by:

Paias Wingti, MP Prime Minister

October 26, 1992

THE BENSON & HEDGES CUP



LAE

L.F.A. Grounds

THURSDAY 19th – SUNDAY 22nd NOVEMBER



BENSON & HEDGES SOFTBALL

Wantok

Lae bai kirapim anda 15

LAE i kirapim tu junia sofbal resis bilong ol man long dispela sisen. Na ol pilai bilong ol bai stat long dispela wiken long anda 15 divisen.

Presiden bilong Lae Mens Sofbal Asosiesen, Nelson Hungrabros i tok olsem em i lo long olgeta A gret tim i mas wokim wanpela anda 15 tim. Olsem na 12-pela anda 15 tim bilong ol yang-pela boi bai brukim bun long dispela wiken.

Na em i tok long neks sisen, ol bai traिम long kirapim tu resis bilong ol junia long anda 19 divisen.

Mista Hungrabros i tok olsem no gat planti hevi i bin kamap las wiken taim ol A na A risev gret gem i bin kamap. I gat liklik hevi tasol taim ren i pundaun long moning na tupela fofit.

Tupela namba wan gem namel long Brown Eagles na Royals (A gret) i no bin kamap bikos ren i pundaun na stapim ol long pilai. Na long A risev gret, wankain samting i bin kamap tu long ol lain bilong Bismark na Taubar. Na ol risev gret bai pilai long Fraide. Long A gret i no klia yet.

Long tupela namba wan fofit bilong sisen long A gret, ol boi Gazelle i no go insait long fil long pilai wantaim Aviat. Long wanem yunifom bilong ol i no kamap long taim bilong pilai.

Long risev gret, ol boi Malangan i bin taitim bun long dispela fan ran na i no kamap long pilai long apinun. Olsem na PNGBC i winim ol long fofit.

Tupela nupela tim bilong resis tu long A gret i bin soim tru namba na stail bilong ol taim ol i winim ol namba wan gem bilong ol long bikpela skoa.

Malangan na Elcom suvim nus long Madang

FRANCIS ULIAU
I raitim

I GAT tripela nupela tim i pilai tu long Madang sofbal resis long dispela yia.

Dispela em wanpela tim bilong ol man bilong Elcom na tupela

MESERY GUBAG
I raitim

GEM bilong dispela wiken namel long ol meri Gazelle na Elcom bai gutpela A gret pilai bilong lukim.

Kosa bilong ol meri Elcom em Albert Evald. Na em i olupela kosa bilong ol meri Gazelle. Olsem na sapos ol Gazelle i tingting long bihainim ol olupela stail bilong pilai, ol i mas tingting gut.

Wanpela long ol bikpela samting inap long helpim ol meri ya long autim ol Elcom em save bilong ol. Ol i gat planti save long pilai. Na ol i pilai longpela taim pinis. Na save bilong ol inap pretim ol Elcom na ol bai pilai krangi na lus.

Elcom long hapsait i

gat ol yangpela meri tasol. Antap long dispela, kosa bilong ol em olupela kosa bilong Gazelle. Na kain ron bilong ol inap givim planti hetpen long Gazelle. Na tu sapos pitsa bilong ol inap long tromoi bal hariap na givim ol hatpela bal long ol Gazelle beta, ating bai ol i autim ol kwik.

Sapos no gat, kain save na ol liklik trik nabaut bilong ol meri Gazelle bai abrusim ol spit bilong Elcom. Olsem na Elcom i mas tingting gut.

Long gem namel long ol na Wantoks long las wik Sarere, ol i bin lus, 13-6. Olsem na ol i mas lukluk gen na stretim han bilong pitsa na bekstap pilai bilong ol long dispela wiken.

Long hapsait, ol sem-

pion bilong Mosbi wimens sofbal, Gazelle i bin kilim ol United, 15 -1.

Malangan i bin autim NGI, 23-1 na Fuji i bin kaikai das taim Allstars i rausim ol wantaim 9-6 hom ran. Mazda i bin

wilwilim Yokomo 13-5 na ol i no pulim win gut.

Long gem bilong ol man long Sande, skoa bilong ol tim husat i pilai em, A gret Manolos 5 vs Chebu 6, Elcom 4 vs Karanas 4,

Malangan 0 vs Brown Eagles 3, NGI 2 vs Hawks 1, Fuji 1 vs Gazelle 5.

Gem bilong B gret Gazelle 7 vs Hoodsco 0, NBC 8 vs Fuji 11, Elcom 12 vs Malangan 4 na Hawks 1 vs

Brown Eagles 8.

Na long gem bilong ol C gret, De La Salle 0 vs Malangan 7, Manolos 5 vs Karanas 2, Varsity 18 vs Elcom 10, Fuji 5 vs MSC 13, Aviat 12 vs Hoodsco 12 na Hanza Bay 4 vs Chebu 9.



• Dispela em stail bilong Mosbi sofbal resis long las wiken. Olgeta pilai i save kamap long Bisini sofbal graun.



• Joseph Zale i sindaun na Dick Bart i makim fil bilong sofbal long Madang.

Chebu na Royals go long A gret

TUPELA sofbal tim bilong ol meri long Mosbi i raitim pas pinis i go long asosiesen bilong komplem long ol i stap long A risev gret.

Ol tim ya em Chebu na Royals.

Ol i bin raitim pas na tok olsem ol i no amamas long dispela tingting bilong ol opisal long putim ol long A risev gret.

Olsem na ol eksekutiv bilong asosiesen i kibung long Mandé na lukluk long komplem bilong ol. Na

bihainim dispela kibung, ol i bringim Chebu 1 na Royals 1 i go antap long A gret.

Long wankain taim, ol opisal i bringim Karanas 1 long B gret i go antap long A risev long kisim ples bilong Chebu. Dispela i bringim namba bilong ol tim long A gret i kamap olsem 12-pela. Na A risev, B, C na D gret wan wan i gat 7-pela tim.

BENSON & HEDGES SOFTBALL

tim bilong Malangan, wanpela man na nara-pela meri. Long resis bilong las sisen, dispela ol tim i no pilai.

Sisen tru bilong Madang i stat long las wiken. Na olgeta samting i bin kamap gut tasol. Olsem na long dispela wiken, ol bai


pilaim ol namba tu gem bilong sisen tru.

Dispela em i namba tri sisen bilong Madang long holim tu resis bilong ol junia. Na i min olsem ol i kirapim dispela resis pastaim long Mosbi na Lae i wokim bilong ol.


Wanpela mausman

bilong sofbal long Madang, Dick Bart i tok ol meri bai resis long tupela divisen, dispela em long A na B. Na ol man bai resis long A, B na junia divisen.


Olgeta pilai bai kamap long Bates pilai graun.



1




• Rachel Palove bilong Bucks wantaim bal i stapim Mary Charlie bilong Stars long kisim bal.



• Balide Katik bilong Jabiru Panthers i ran wantaim bal long Godens tas resis las wiken long Mosbi.



2



3



4



• Avue Parapa bilong B & H Jokers i abrusim birua bilong em long Elcom na kisim bal long em. Jokers yet i bin winim dispela pilai.



5

- Fred Elavo bilong B & H Jokers wantaim bal. Tim bilong em i bin winim Elcom.
- Polongos bilong Yunivesiti i rausim bal pastaim long Michael Pasar i kam klostu. Dispela em kik bilong semi fainal, Yuni i bin lus long Kurti Andra.
- Tupela pilala bilong Rapatona na Kurti Andra i resis long kisim bal.
- Dispela ol pilala i resis long kisim bal. Dispela em kik namel long Rapatona na Kurti Andra.
- Dispela tupela sapota bilong Kurti Andra i stailim tru het bilong tupela. Taim tupela i go lukim gren fainal kik long las wik Sande.
- Sofbal gem namel long Fuji na NGI long las wiken.

Rapatona Goroka redi long klap sempionsip

WINIS MAP I rattim

WANPELA klap husat bai wokim planti arapela klap i bun guria long taim bilong nesenel klap sempionsip long Lae em Rapatona Goroka.

Rapatona i laik kamapim gutpela kik winim kain stail bilong ol long las yia.

Kepten Peter Koboni i tok tim bilong em bai mekim save long ol arapela taim ol i bung long Lae long 19 i go inap long 22 Novemba.

Em i tok long las yia, ol i no tren gut pastaim long ol i go pilai. Olsem na ol i lus long olgeta gem bilong ol. Long wanem i no gat inap taim.

Asua i kamap taim Goroka Soka Asosiesen i holim gren fainal wanpela wik pastaim long nesenel klap sempionsip. Olsem na ol i no gat inap taim.

Tasol long dispela yia, stori bai narakain liklik bikos ol i gat inap taim pinis.

Koboni i tok, nau em wantaim ol boi

bilong em i wok long trenim ol strai-ka. Rapatona i slek liklik long dispela posisen olsem na ol i mas tren gut. Em i tok, beklain na midfil i gutpela. Na ol i no wari tumas long dispela tupela posisen.

Sapos ol pilai bilong Rapatona i laikim toktok bilong ol i karim kaikai, ol i mas wokbung wantaim olsem wanpela tim. Rapatona inap bagarapim sindaun bilong sampela biknem klap long kantri sapos ol pilai i gat bilip long ol yet.

Ol pilai husat inap kamapim bagarap long klap sempionsip em Ida Noni, Steven Poma (beklain), Peter Koboni, Moses Modekewau, Noel Sasale, Esma Heni (midfil), Noel Tamsen, Kwiki Kisokou na Peter Chalapan (strai-ka).

Bikpela wok bai stap long lek bilong Koboni na Tamsen.

Dispela tupela bagaros i save poroman gut tru long sutim gol. Kain kik bilong tupela i bin helpim Goroka long kisim namba tri ples long taim bilong nesenel taitel resis.



• Dispela pilai bilong PTC i laik rausim bal pastaim long birua bilong em long Rapatona i kam klostu. PTC i no strong na Rapatona i winim ol long gren fainal bilong Goroka soka.

Kipa na Chawan holim las stia bilong Vanimo

WINIS MAP I rattim

VANIMO Soka Asosiesen (VSA) i wok

long bungim sampela hevi long pinisim ol kik bilong dispela yia.

Vanimo i save gat sik long kamapim ol pilai. Long taim ol i statim kik bilong pri sisen, ol i bungim hevi na statim ol pilai bihain tru. Na nau ol i gat sampela liklik hevi long pinisim ol kik bilong sisen tru.

Bikpela asua nau i stap long ol lain opisal bilong VSA na ol klap opisal wantaim ol pilai. Planti opisal i no save kamap long fil bilong lukautim ol pilai. Tupela man husat i save mekim bikpela wok em Kipa na Gabriel Chawan.

Chawan na Kipa i save wok hat tru long mekim ol pilai i go het. Dispela tupela man i

wok long strongim yet kik taim ol arapela opisal i ranawe pinis.

Wanpela bikpela hevi em ol kik i no save kamap long taim ol opisal i makim. Planti tim i save kamap bihain tru long taim bilong pilai.

Dispela kain bikhet bilong ol pilai i wokim seketeri Paul Samof i lusim opis.

Samof i tok ol pilai na opisal i no wokbung wantaim em olsem na em i lusim wok seketeri.

Samof i tok ol opisal i no save bihainim tok tok bilong em. Em i tok planti taim ol i save mekim samting long laik bilong ol yet. Samof i lusim wok samting olsem wan-

pela mun i go pinis. Na em i tok em i no inap mekim wanpela samting gen long helpim ol opisal.

Maski long dispela ol hevi, Vanimo bai holim yet ol kik bilong fainal. Na dispela kik bilong ol fainal bai kamap sampela taim long mun Novemba.

Sapos olgeta kik bilong fainal na gren fainal i kamap gut, ol klap na pilai i mas givim tok amamas bilong ol i go long Kipa na Chawan. Dispela tupela man i mekim bikpela wok tru long traim stretim ol hevi na holim ol kik. Maski ol i bungim hevi long taim bilong pilai, tupela i lukautim gut kik.

Meri karanas wokim nem insait long 4-pela yia

STORI BILONG PILAIA

WINIS MAP I rattim


Nem: Gelin Glin
Krismas: 20 yia
Ples: Magean
Distrik: Musau
Provins: Nu Ailan
Klap: Sen Mathias (Kavieng)
Posisen: Straika.

GELIN Glin em i wanpela yangpela meri Nu Ailan husat i save laikim tru long pilai soka. Em i bin stat pilai long 1988 wantaim Sen Mathias soka klap long Kavieng. Stat long dispela taim i kam inap nau, Gelin i no lusim Sen Mathias. Em i stap wantaim klap long 4-pela yia nau na i

laik stap moa yet. Long dispela 4-pela yia bilong em long kik, Gelin i kamapim planti bagarap long pilai bilong ol meri long Kavieng soka. Na em i wokim tu nem long hap.

Kain stail bilong em long kik i bin suvim ol opisal bilong Kavieng soka long makim em long stap insait long skwat bilong ol meri.

Na dispela i bin namba wan taim bilong Gelin long makim Kavieng na go kik long Rabaul long nesenel sempionsip bilong ol meri. Dispela em long mun Ogas long dispela yia.



• Glin ... driman long makim Papua Niugini sapos olgeta samting i go oraif tasol.

Ol binatang kisim tokwin bilong namba 8 taitel

JOE KORO I rattim

STRONGPELA tokwin nau i wok long kamap long olgeta kona bilong Kwins Pak pilai graun olsem king bilong Rabaul basketbal inap long 7-pela yia bai winim gen gren fainal long Sande, Novemba 1. Nem bilong dispela tim em BC Bees.

Long Sande, BC Bees bai kamap na makim namba 8 yia bilong go insait long gren fainal long Rabaul basketbal resis.

BC Bees i kisim pasmak bilong go long gren fainal taim em i autim narapela tupela strongpela tim, Royals na Sunset.

Kosa bilong BC Bees, Ken Micah bai go pas long ol boi bilong em. Na namba wan fowat na man husat i gat nem olsem 'Mejik Johnson' bilong Papua Niugini, Edwin Green bai helpim Micah long skrapim bel bilong ol boi Huon.

Green em i wanpela longpela man tru na sais bilong em i samting olsem 6 fit na 4 inses. Stail bilong dispela boi Buka i moa moa yet na em i save hatim tru bel bilong ol arapela tim. Kain strongpela stail bilong em long atek na difens bai helpim ol BC Bees long winim Huon.

Kosa Micah i gat bikpela bilip long ol pilai bilong em olsem Michael Sindo, Jordan Apo, Archie Target, Peter Koha na Ronnie Kanda husat i bin pilai long basketbal tim bilong Papua Niugini long taim bilong Saut Pasifik Gems.

Micah i tokaut tu olsem sapos ol Huon i laik rausim sil long han bilong BC Bees, orait, ol i mas pilai olsem ol lain binatang i save pilai.

Em i tok tu olsem BC Bees i holim dispela sil inap long 7-pela yia nau. Na sapos ol boi Huon i gat bikpela laik long kisim, orait, ol i mas pilai gut.

Tasol long sait bilong ol boi Huon, het kosa bilong ol Nadup Jawin i tok ol boi bilong em bai traim na kamapim strongpela pilai taim ol i bungim BC Bees long Sande.

Jawin i gat bikpela bilip olsem ol boi bilong em bai kirapim das long traim na winim ol BC Bees.

"Long nau yet, ol BC Bees i king bilong basketbal long Rabaul. Na sapos ol i ting olsem ol i moa yet na i laik pilai kaskas long ol boi Wopa, ol boi bilong mi bai mekim ol i kirap nogut," Jawin i tok.

Em i tok ol i redi tasol long bungim ol lain binatang ya long Sande.

Jawin i tok olsem man husat bai go pas long Huon em Silas Yabulum. Yabulum bai sanap makim longpela man bilong ol BC Bees, Edwin Green.

Em i tok Yabulum i save long kain stail na pilai bilong Green na bai traim long kilim dai paia bilong em.

"Sapos Yabulum i kilim dai paia bilong Green long Sande, mi gat bilip olsem ol boi bilong mi i no inap givim sans long ol BC Bees," Jawin i tok.

Ol narapela pilai bilong Huon husat bai strongim fowat lain long Sande em Manasa, Sedi na Peter Kunda.

BENSON & HEDGES SOCCER

PORT MORESBY MEN'S SOFTBALL ASSOCIATION

SUNDAY, 02/11/92

'A' GRADE

TIME	TEAMS	DIAMOND	UMPIRE
9:30-10:45	N.G.I. vs N.Fiji	1	L.Sorang
11:00-12:15	F/Gazell vs Manolos	1	P.Mesak
12:30-1:45	Chebu vs V/Karanas	1	P.Naron
2:00-3:15	Elcom vs G/Malangan	1	A.Evald
3:30-4:45	M/B.Eagles vs Hawks	1	J.Sogai

'B' GRADE

9:30-10:45	G/Malangan vs Hawks	3	Simitap
11:00-12:15	N.G.I. vs Elcom	3	Avuchulas
12:30-1:45	M.S.C. vs F/Gazelle	3	Misiel
2:00-3:15	M/B.Eagles vs N.B.C	3	Terra
3:30-4:45	N/Fuji vs Hoodsco	3	Taim

City Tigers - Bye

'C' GRADE

8:00-9:15	Manolos vs D/Salle	2	Talim
9:00-10:45	Aviat vs Karan	2	Tovia
11:00-12:15	N/Fuji vs Elcom	3	Tadigu
12:30-1:45	H/Bay vs Malangan	2	Sorang
2:00-3:15	Versity vs Hoodsco	2	Naron
3:30-4:45	M.S.C. vs City Tigers	2	Mesak

Chebu - Bye

PORT MORESBY WOMENS SOFTBALL ASSOCIATION
1992/93 SEASON - ROUND ONE

WEEK 2: 31-10-92

SCORER

DIAMOND 1	TEAMS	GRADE	UMPIRE
0900	Chebu I vs Royals I	A	
1030	Mazda I vs United I	A	
1200	G.I.Gazelle I vs Elcom	A	
1330	G.Malangan I vs All Stars I	A	
1500	Nissan Fuji I vs Yokomo I	A	
1630	Shell Wantoks I vs NGI I	A	

DIAMOND 2	TEAMS	GRADE	UMPIRE
0900	G.Malangan II vs G.I.Gazelle II	B	
1030	Admiralty II vs Norths II	D	
1200	Karanas II vs Admiralty I	C	
1330	Royals II vs United II	C	
1500	NGI II vs Neighbours I	D	
1630	All Stars II vs Dodgers I	B	

DIAMOND 3	TEAMS	GRADE	UMPIRE
0900	Yokomo II vs Shell Wantoks II	B	
1030	Karanas I vs Nissan Fuji II	AR	
1200	Norths I vs Mazda Carps II	AR	
1330	Dodgers II vs City Tigers I	D	
1500	UPNG II vs Elcom II	C	
1630	UPNG I vs Hanza Bay I	AR	

Tarangau I	AR	Grade Bye
DTI I	B	Grade Bye
All Stars III	C	Grade Bye
Chebu II	D	Grade Bye

Ol boi Is Arowe redi tasol long bomim ol plisman long Kokopo

WINIS MAP I raitim

EAST Arowe i gat bikpela tingting long winim bek sil bilong Kokopo soka resis taim ol i bungim Royals long gren fainal bilong ol primia divisen long Sande.

Planti man i no inap bilip olsem ol boi Arowe inap kik. Bikos planti lain Wes Nu Briten i save pilai Osi Ruls. Tasol ol dispela kas bilong Arowe i gat nem long kik.

Ol i bin winim Pascol long las yia gren fainal na kisim sil. Na dispela em i namba tu taim

bilong ol long stap insait long gren fainal. Bikpela tingting bilong ol em long winim gen sil long namba tu taim.

Olsem na ol dispela boi Arowe i no man nating. Ol i gat namba pinis long Kokopo. Na ol plisman i mas lukaut gut, nogut ol Arowe i rausim trausis bilong

ol long gren fainal.

Tasol ol boi Arowe i no ken apim nem tumas bikos ol plisman i no inap pilai kaskas. Royals i soim strong bilong ol taim ol i stap long fainal 5 long kik. Na ol i bin winim tripela gem bilong ol long stap insait long gren fainal.

Royals inap winim gem sapos tupela strai-ka, Joe Warik na Jerry Thomas i sutim gol. Warik na Thomas i no ken holim bal tumas, tupela i mas traim long brukim kiau long umben bilong ol boi Arowe.

Tupela man husat bai lukautim midfil em John Rais na yangpela Bill Warau. Rais i wanpela man em Royals bai tingting long lukautim olgeta kik long Sande.

Alois Mayum na Robert Ngrengre bai sanapim banis long maus bilong umben. Wok bilong tupela em long stapim ol pilaia


bilong East Arowe long go klostu long mak.

Na sapos Royals i no was gut, ol kas bilong Arowe bai kirapim das long Kokopo na kap-saitim wara long ol plisman. Tupela strai-ka, Steven Rengio na Albert Kaus bai go pas long brukim ol kiau long umben bilong Royals.

Tupela bai kisim helpim i kam long Thomas Yarakit na Francis Apalang long midfil. Yarakit na Apalang bai tilim bal namel long ol wan pilaia bilong tupela.

Tupela man bilong banisim umben em Simon Palos na Francis Tombi. Wok bilong tupela long Sande em long stapim Joe Warik na Jerry Thomas long go klostu long hap.

Narapela gren fainal kik bai stap namel long East Arowe na Sautkos.



• Straika bilong Guria Geno Vevao i traim long rausim bal long fulbek bilong Kurti Andra husat i givim beksait long kemera. Kurti Andra i bin winim dispela kik long 1-0 skoa.

SOGERI VALLEY OFF-SEASON RUGBY FOOTBALL LEAGUE DRAW

Round One (1): Game Three (3)

B GRADE

TIME

9:00 - 9:45
9:50 - 10:35
10:40 - 11:25
11:30 - 12:15

FIXTURES

K/Raiders vs KOB
KK United vs S/Tigers
H/Canning vs Radho
B/Inn vs I/Kerras

A GRADE

12:20 - 1:25
1:30 - 2:35
2:40 - 3:45
3:50 - 4:55

K/Raiders vs KOB
KK United vs S/Tigers
H/Canning vs Radho
Bluff Inn vs I/Kerras

Sinia referi laikim wan moa sans long Madang

MESERY GUBAG I raitim

MADANG Soka Asosiesen i mas givim wanpela moa sans long ol tim long pilaim fainal bilong ol.

Na sapos ol i mekim nabaut, orait, ol opisal i mas givim aut ol prais long ol tim husat i kam namba wan, tu na tri long olgeta divisen. Dispela em tok-tok bilong wanpela sinia referi na gems kaunsela bilong Madang, Alphonse Magim.

Em i tok tu olsem em i sapatim toktok bilong presiden Peter Angassa we ol tim menesa i mas skulim ol pilaia bilong ol long we bilong gutpela pilai.

"Ating long dispela kain pasin bilong mipela tasol na taim mipela i go pilai long ol arapela senta long ol sempionsip, mipela i lus nabaut. Mi ting olsem mipela i no inap winim wanpela gem long nesanel level inap mipela i senisim dispela kain pasin bilong mipela.

"Nau mi lukluk tasol long dispela resis bilong B & H Kap long Lae we Momase na Waskia tim bilong mipela bai go pilai. Ol i mas traim na kamapim gutpela nem bilong mipela long hap," em i tok.

Magim i tok referi asosiesen i no bung yet. Tasol ol bai bung sampela taim long dispela wik o neks wik. Na long dispela taim, em bai bringim dispela i go moa long pes 27



• Ol pilaia bilong Kurti Andra i amamas bihain long referi i stapim kik long fultaim. Kurti Andra i winim Guria long 1-0 dispela em kik bilong gren fainal long las wiken.

Mosbi oraitim 7-asait op sisen soka resis

LEO WAFIWA I raitim

MOSBI Soka Asosiesen aninit long lukaut bilong nupela presiden, Posman Kisakiu i tok orait pinis long statim op sisen 7

asait soka resis. Seketeri William Vui i tok resis bai i kamap long 5-pela divisen olgeta. Dispela em long Anda 18, Wimens, Open bilong ol man, Anda 23 na Mastas divisen bilong ol man husat i gat 35'krismas

na moa. Afiliesen fi bilong wanwan sinia tim em K150. Ol divisen i kam aninit long sinia tim em Wimens, Open, Anda 23 na Mastas. Pilaia rejistresen fi bilong ol dispela 4-pela divisen em K5.

Ol tim i resis long Anda 13 divisen bai baim K75 klap afiliesen fi tasol. Ol pilaia bai baim K2 pilaia rejistresen fi. Vui i tok resis bilong Anda 13 divisen i bilong ol skulbois.

Vui i tok moa olsem wanwan tim mas i gat 12 pilaia.

Askim i go nau olsem ol manmeri na pikinini husat i laik pilai insait long dispela op sisen

resis i mas bung long Bisini soka graun long Fraide Novemba 6 stat long 30 minit i lusim 4 klok apinun. Dispela em long toktok long ol rul bilong 7 asait resis.

Vui i tok sapos olgeta samting i go stret, resis bai i stat long Sande Novemba 22. Tasol bipo long resis i stat long dispela de, bai i gat ol opisal i glasim pastaim resis bilong

wanwan divisen. Resis bai i kamap long ol wik de na wiken wantaim. Ol resis bilong wik de bai stat long 30 minit i lusim 4 klok apinun, na pinis ong 6 klok nait.

Olgeta resis bai i kamap long Bisini soka graun. Vui i tok ol bai brukim tupela fil i go long 4-pela hap. Dispela i min olsem 4-pela gem i ken stat

long sem taim tasol. Mani bilong baim dua na go insait long lukim pilai i no olsem bilong sisen propa resis.

Vui i tok askim i go nau long kainkain manmeri insait long siti long kamapim wanpela tim. Ol pilaia bilong kain kain klap bilong asosiesen tu i ken bung wantaim na kamapim wanpela klap bilong ol yet.

Kosa na referi kos long Kaveing

I GAT wanpela wik klinik bilong ol soka referi na kosa i wok long kamap long Kaveing.

Dispela klinik i bin stat long Mande na bai pinis long Fraide, 30 Oktoba. Man husat i go pas long ranim dispela klinik bilong ol referi na kosa em Edris Kumbrawah.

Samting olsem 8-pela man i stap long dispela kos. Na i gat sampela lain i save go lukluk stat long taim ol i statim dispela kos long Mande. Ples ol i holim dispela kos em long Utu haiskul.

Kumbrawah i kisim tu helpim i kam long namba tu presiden bilong Kaveing soka, Warren Thomas. Narapela tupela man husat i givim

sampela helpim long ranim dispela kos em het tisa bilong Utu haiskul wantaim spot masta bilong em.

Man husat i save go pas long kamapim wok bilong soka long Kaveing, Gordon Kuso i amamas long lukim ol dispela lain i kisim sampela liklik skul bilong wok referi na kosa. Kuso i tok dispela liklik skul bai helpim wok bilong soka i kamap gut. Em i tok planti lain i gat laik long stap insait tasol ol i gat wok long mekim.

Narapela samting em Kuso i tok kik bilong anda 16 i no inap kamap hariap. Em i tok i gat sampela samting i kamap na ol i srukim taim gen. Tasol nau yet, ol boi i wok long brukim bun long trening.

Sinia referi laikimwan moa sans long Madang

i kam long pes 26

tingting bilong holim gen ol fainal long dispela yia. Em i tok em i bilip olsem dispela gem inap long kamap gut.

"Ol pilaia em ol man ya. Ol inap long harim tok sapos mipela i askim ol. PX i wanpela nupela tim husat i kam insait long resis long dispela yia. Tasol ol i mekim gut tru na kisim namba foa ples long primia divisen. Ol i ken

kamap gutpela spotman sapos mipela i givim ol sans.

"Wanpela samting tu em olsem ol sapota long sait lain tasol i save bagarapim pilai ol long kain singaut na kros bilong ol. Sapos ol i save stap isi na lukluk tasol long gem, ol pilaia bai i no inap mekim nabaut," Magim i tok.

Em i bin mekim dispela ol toktok bihain

long ol referi i les long lukautim ol las gem bilong MSA. Dispela muv i bin kamap bihain long ol anda 19 pilaia bilong PX i paitim wanpela referi, Reuben Hamadi taim ol i pilai wantaim Madang Blues. Na ol opisel bilong MSA i tok long givim tasol ol prais na awod i go long ol tim husat i kam namba wan, tu na tri long resis bilong dispela sisen.

Ol meri Wanzesi winim prais mani long Stratford 3000 soka resis



• Ol i sindaun na redi long kisim poto bipo long gem egens Estates we ol i lus 1-0.

WANZESI soka klap bilong ol meri i kamap namba tu long Stratford 3000 soka resis, em i bin kamap long Kens, Australia long las wiken.

Dispela resis i bin kamap long Fraide Oktoba 23 na pinis long Sande Oktoba 25, we moa long 4-pela tim i bin kamap na salensim ol yet.

Ripot i tok ol meri Wanzesi i winim moa long 100 Australia dola olsem prais mani bilong ol.

Long Fraide nait ol i bin pilai egens ol meri Mackay na i win 2-0. Dispela i bin wanpela gutpela win tru, we ol meri i soim gutpela stail bilong pilai olsem wanpela tim na win.

Na long Sande ol i redi long winim namba tu gem egens Estates. Tasol ol i lus 1-0, na kamap namba tu long resis bilong ol meri.

Ol man tu i bin pilai gutpela gem. Tasol ol i no winim namba wan na namba tu ples.

Het trik bilong Lema helpim Kurti Andra

WINIS MAP I raitim

KURTI Andra i nupela sempion nau bilong Mosbi soka bihain long ol i winim Guria, 1-0.

Dispela tupela tim i pilai gut tru long las wik Sande. Tupela wantaim i kamapim strongpela kik na wokim ol sapota i no sindaun gut.

Kurti Andra i laki tru long winim gren fainal. Sapos no gat ol inap lusim gem. Kurti Andra i winim gem taim swipa bilong Guria, Adam Lema i hetim bal i go insait long umben bilong em yet.

Lema i laik rausim bal em Kawetan Pombuai i kikim i kam insait long maus bilong umben. Lema i lukim dispela bal na laik rausim tasol em i abrus na putim stret long umben.

Dispela gol i bin kamap long ekstra 10 minit. Tupela tim wantaim i bin strong stret na i no sutim gol long 80 minit bilong kik. Olsem na ol i askim ol long kik long ekstra 10 minit.

Long namba wan hap bilong pilai, ol boi Guria i kisim sampela sans tasol lek bilong ol i no painim umben. Straika Paul Albert i traim sutim gol tasol lek bilong em i popaia.

Guria i banisim olgeta rot bilong Francis Moiyap na John Lelai. Dispela tupela man i bin painim hat tru long brukim banis bilong Adam Lema. Lema i kamapim gutpela kik stret na sanapim strongpela banis long beklain.

Planti taim ol boi Guria i holim bal long sait bilong Kurti Andra na Kurti Andra i painim hat tru long kisim bal i go long eria bilong Guria. Guria i kamapim gutpela stail bilong kik tasol ol straiika i no sutim gut gol.

Kawetan Pombuai i bin soim stail bilong em long pilai taim em i kam insait sampela minit pastaim long namba wan hap i pinis. Kain ron bilong em i wokim Kurti Andra i gat bikpela tingting long winim

gem.

Em i wok hat i go na stapim Guria long sutim gol na tupela wantaim i go long ekstra 10 minit. Long namba wan hap bilong ekstra 10 minit, tupela wantaim i no bin skoa. Na long arapela 10 minit, Kurti Andra i lukim taim i laik pinis na ol i pinisim olgeta strong bilong ol long stapim Guria.

Pombuai i sevim Kurti Andra taim em i kikim bal long saillain na pas long het bilong Lema. Lema i ting em i hetim bal i go aut tasol em i abrus na bal i go pas long umben. Na dispela gol bilong Lema i helpim Kurti Andra long winim 1992 gren fainal.



• Dispela tupela sapota bilong Kurti Andra i stailim het bilong tupela.



BENSON & HEDGES SOKA

Wantok

pes 28

NESENEL KLAP SEMPIONSIP FIVA PNGFA givim tok lukaut long Waskia

BARBARA TOMI i raitim

PAPUA Niugini Futbal Asosiesen i givim tok lukaut i go pinis long Waskia soka klap bilong Madang long stapim ol pilaia husat i bin kik long Nabasa klap long las yia. Ol i no ken stap insait na pilai long nesanel klap sempionsip long mum Novemba.

Waskia bai pilai long sempionsip bihain long ol i winim kik bilong Benson & Hedges Gol Kap long Madang.

Ripot i tok olsem Waskia i gat sampela olpela klap memba bilong Nabasa husat PNGFA i stapim long kik.

PNGFA presiden, Peter Mommers i tok sapos wanpela long ol dispela pilaia i kamap long taim bilong nesanel klap sempionsip wantaim Waskia, ol bai salim olgeta i go bek na ol i no inap stap pilai.

Ripot i soim tu olsem sampela pilaia em ol i stapim long kik i wok long yusim giaman nem bilong pilai long sempionsip.

Mommers i tok Waskia i salim mastasit bilong tim tasol em i save olsem sampela bilong ol dispela pilaia i yusim giaman nem.

Em i tok sapos ol i painim wanpela bilong ol dispela pilaia long taim bilong sempionsip, ol bai stapim Waskia tim na salim ol i go bek.

Em i salim pinis wanpela strongpela pas i go long Waskia na toktok wantaim Madang Soka Asosiesen presiden, Peter Angasa long dispela samting.

Angasa i toktok wantaim ol klap opisal pinis na em i bilip olsem ol bai bihainim toktok bilong PNGFA.

PNGFA i bin stapim Nabasa klap inap long tupela yia long no ken pilai insait long Madang Soka Asosiesen. Na ol i stapim tu ol pilaia long no ken stap insait long sampela bikpela resis bilong PNGFA inap long tupela yia.

PNGFA i bin sasim K1,500 fain long MSA na stapim olgeta pilaia bilong Nabasa soka

klap bihain long wanpela pait long taim bilong klap sempionsip long Madang tupela yia i go pinis.

Ol pilaia bilong Nabasa i bin statim dispela pait long taim bilong klap sempionsip long 1990. Na kamapim sampela bagarap long ol pilaia na opisal bilong Leipon klap

bilong Manus.

Dispela i bin wokim PNGFA i senisim ples bilong holim gren fainal namel long Leipon na Pot Mosbi Guria i go long Mosbi. Na Guria yet i bin winim dispela kik.

Sampela ol pilaia i stap long saspensen em Tweedy Malagian, Danny Gabong,

Andy Yeni, Kubulan Simin, Derik Malagian na Renton Malagian.

Dispela ol pilaia i ken stat pilaia ken bihain long Desemba 31, 1992.

Nau yet 5-pela tim i givim nem bilong ol pinis long stap insait long sempionsip long Novemba.



• Sinia soka tim bilong ol man na meri Wanzesi long Mosbi husat i go pilai long Stratford 3000 soka resis long Kens, Australia las Sande. Ol meri tasol i winim prais mani long kamap namba tu long tonamen. *Lukim ripot long pes 27*

Insait long SPOT

• Lae kirapim Anda 15 - p23

• Goroka Rapatona redi long klap sempionsip - p25

• PMSA 7 asait op sisen -p27

Mosbi pablik sevan kik stat wantaim stail ya

FRANCIS ULIAU i raitim

BIKPELA soka resis bilong ol pablik sevan long Mosbi bai stat long dispela wiken.

Pastaim long dispela, bai i gat bikpela bung i kamap long Klab Jemania pilai graun long 8 klok moning. Na long dispela bung, olgeta klap bai dresap long ol stail yunifom na sanap long opim 1992-1993 sisen.

Presiden bilong Mosbi Pablik Sevan Soka Asosiesen (PMPSSA), Francis Kasau i tok long nau yet, no gat man i save long ol namba wan dro bilong Sarere na Sande. Ol bai tokaut long dispela bihain long bung long Sarere moning.

Em i tok tu olsem insait long dispela bung taim ol tim i bilas long ol yunifom na sanap, ol jas bai skelim ol wanem tim o klap i bilas gut tru. Wanem tim o klap i kisim bikpela poin bai winim ol prais mani. Kasau i skruim toktok olsem nupela dro bai i gat

9-pela gem i kamap long Sarere na narapela 9-pela long Sande. Bikos long dispela yia, i gat 21 tim bilong ol man na 19 tim bilong ol meri. Na tu wanpela pilai bai kamap long olgeta Tunde apinun.

Em i tok, "Mipela ol eksekutiv bilong PMPSSA na ol wan wan klap i laikim olgeta pilaia long bilas gut na kamap bung long pilai graun pastaim long 8 klok moning long Sarere long opim sisen.

"Na bihain long dispela, ol bai save tu long wanem gem ol bai pilaim," Kasau i tok.

Mosbi Pablik Sevan Soka Asosiesen i bin orait long mekim ol dispela samting insait long wanpela kibung bilong ol long Mande, 26 Oktoba.

Long dispela kibung, ol i bin oraitim tu mani ripot bilong sisen, toktok long statim ol pilai long dispela wiken na long olgeta klap i mas gat wanpela referi bilong ol yet.

Printed and published by Anna Bernadette Solomon, of Bitten Place, Gordons, at Allotment 2, Section 209, Tokoroa.





LOK MAIK

GANANA GENERAL I SINGALTIM WAN-
WAN MEMBA LONG KAM NA HOLIM
BAIBOL NA TOK TRU LONG AI BILONG
PALAMEN...

...OH YES.. MI
SWEA NA KRAI LONG
AI BILONG BIKMAN ANTAP..
BAI MI LUKALITIM KANTRI
BILONG MI NA OL PIPEL...



OL OPOSISEN I HARIM LONGPELA
TOKTOK BILONG MAIK NA OLI
LES PINIS...

MAIK I PULIM WIN NA MEKIM PLANTI
NOIS TUMAS... G.G PAITIM TEBOL NA
MAIK I KIRAP NOGUT
TRU...

M.P. MAIK!!
BAI YU KAM NA
HOLIM BAIBOL O
NOGATE?



NAU G.G ORAITIM TOKTOK BILONG
OL OPOSISEN...

NAU MAIK I GO NA HOLIM BAIBOL
NA TOKTOK LOTU NAU...

...HARIM OL GUTPELA PIPEL...
SIN I NO GUTPELA SAMTING..
LONG SAPTA INSAIT LONG BAI-
BOL I TOK, RAUSIM OLGETA
PEKATO BILONG YU NA TROMOI...



MAIK I NO AMAMAS..EMI
TING I NO FEA LIKLIK...

ODA! YO HONAROBOL G.G..
"INAP YU RAUSIM DISPELA
MAN LONG ALTAZ..EMI WESTIM
TAIM BILONG MIPELA LONG PALA-
MEN! WANEM TAIM EMI GO LOTU
NA EMI KAM PRIS LONGHIA! !?!



TENKIU M.P. MAIK,
YU KEN STEP DAIN
NAU!

...TA-TASOL,
MI NO PINIS
YET, YAH..



EMI ORAIT!
YUPELA I KEN
WANTOK SISTEM..



EMS EXPRESS MAIL SERVICE

Reliable, Affordable, Speed

..... and that's the success
of our business

Contact Willie or Rose on
27 4449/ 27 4321



Post & Telecom



REBO

JEFF I LUKIM REBO I KIK NAI NA EM RON I GO INSAIT... LAKI TRU BAL I BAUNS I GO BEK LONG EM...



KLOSTU LONG TRAI LAH NA OL MOSBI SAIT I TRAI HAT LONG RAUSIM EM TASOL JEFF I FOSIM EM YET I GO NA PUTIM TRAI...



JEFF I TING EM I NO PUTIM TRAI... TASOL REFERI I LUKIM OLSEM EM I PUTIM KIAI TRAI OLSEM NA EM ORAKIM.



HARIAP TRU REBO I RON I GO NA APIM EM NA AMAMAS NOGUT TRU...



NAU REBO I KIKIM I GO INSAIT... I SI WAN, YAH...



OL KIUNGA I LIDIM PILAI... SKOA IGO ANTAP.. 8-4...



HEY, OL WANTOK! MI SAVE LAIKIM TRU LONG RITIM DISPELA SENTA PES, LONG WANEM OL FEI-VARET KOMIK STORI I STAP LONG HIA! ATUS LOKET!!



EM NAU!

WANTOK


NIUSPEPA BILONG YUMI STRET OL GRAS RUTS BILONG PAPUA NIUGINIYA!

Musik TELEVISION Komik

Bluff Inn Soles redi long musik studio

EDDIE SAUNDERS i ra!t!m

BLUFF Inn Soles em wangepa biknem rok musik grup long Papua Niugini. Na nau ol i laik wokim tu



wangepa musik studio bilong katim ol kaset long Mosbi.

Dispela rok ben i stap wok na pilai raun long kantri inap long 15 yia nau. Na nau em i taim bilong ol yet long wokim na katim musik bilong ol. Tasol ol bai amamas long katim tu ol kaset bilong ol arapela lain.

Wangepa gutpela samting em Bluff Inn Soles bai mekim em long go na pilai raun bihain long ol i katim kaset. Na ol singsing ol i singim bai kamap bihainim wanem samting i stap long kaset.

Ol i laik mekim olsem bilong kirapim bel bilong ol pipel long kain musik na singsing bilong ol nau i stap long kaset.

Bos bilong Bluff Inn Soles, Eddie Elias i tok namba wan samting ol i laik mekim em long katim kaset ol bai kolim olsem "Masalai".

PNG TOP 20

AS AT 24/10/92

NO.	SONG	ARTIST
1 (1)	Iau Serious Tam	Telek
2 (7)	Betty Betty	Rabbie
3 (8)	Mi Save Wari Tru	Telek
4 (3)	Adisena	David Kurni
5 (4)	Yu Tasol	JR Kopex
6 (6)	Goi Vavine	Helgas
7 (2)	Meri Nipsco	Leonard
8 (6)	Take IB Car	Simon Tazzi
9 (9)	Kerema	PF Company
10 (17)	Na Ewari	Alo pops
11 (11)	Meri Samarai	PS Duet
12 (14)	Misima	David Kurni
13 (13)	Aiye Aiyo	Barike
14 (16)	Golden Pillo Ta	Alo Pops
15 (10)	Iau Les	Leonard
16 (18)	Tura Lalokau	Memehusa
17 (0)	Daystar	Loujaya Dunar
18 (0)	Sila	Memehusa
19 (0)	Vitolo	Henry Kuskus
20 (12)	Iwarwatut	Vincent Pia

• Ratings based on requests on Radio Kalang and not cassette sales.

THURSDAY - 29TH OCTOBER, 1992		EMTV		8.30 RUGBY LEAGUE (MAO)	
5.27	STATION OPEN	1.22	CHIN H MEEN SUPER-SOUND NEW RELEASE	10.00	MTV (MAO)
5.30	ITN NEWS (G)	1.27	EMTV TOKSAVE	00.57	MEDIATION WITH PASTOR WALO ARNI
6.00	TODAY SHOW (G)	1.30	MIDDAY SHOW (PGR)		STATION CLOSE
8.00	STATION CLOSE	3.00	SESAME STREET (G)		
1.27	STATION RE-OPEN	4.00	KIDS KONA		
1.30	MIDDAY SHOW		FAT CAT (G)		
3.00	WITH RAY MARTIN (PGR)	4.30	QUICK DRAW McGRAW (G)	9.57	STATION OPEN
3.00	KIDS KONA (G)	5.00	BEWITCHED (G)	10.00	CRICKET
	Sesame Street	5.27	EMTV TOK SAVE	12.30	LUMEN 2000 (G)
4.00	KIDS KONA (G)	5.29	EMTV NEWS BREAK	1.00	CRICKET (cont)
	Fat Cat	5.30	HOME & AWAY (G)	5.00	BONANZA
4.30	QUICK DRAW McGRAW	6.00	NATIONAL EMTV NEWS	5.55	"Long Way To Ogden"
5.00	BEWITCHED (G)		A CURRENT AFFAIR (G)	6.00	CHIN H MEEN SUPER-SOUND NEW RELEASE
5.27	EMTV TOK SAVE	6.30	SALE OF THE CENTURY	6.00	NATIONAL EMTV NEWS
5.29	EMTV NEWS BREAK	7.00	CHIN H MEEN SUPER-SOUND NEW RELEASE	6.30	WONDERFUL WORLD OF DISNEY: (G)
5.30	HOME AND AWAY (G)	7.25	NEIGHBOURS (G)		"Disneyland 30th Anniversary" Part 1
6.00	NATIONAL EMTV NEWS	7.30	NCDC NEWS	7.25	EM-TV TOKSAVE
6.30	A CURRENT AFFAIR	8.00	BURKE'S BACKYARD (G)	7.30	60 MINUTES (G)
7.00	SALE OF THE CENTURY	8.57	EMTV TOK SAVE	8.30	CHIT CHAT WITH SIR PAULIAS MATANE
7.25	CHIN H MEEN SUPER-SOUND NEW RELEASE	9.00	FRIDAY NIGHT (MAO)		SUNDAY NIGHT (PGR)
7.30	NEIGHBOURS (G)		MOVIE: HAWAII 5-0: (PGR)	8.35	MOVIE: "Soul Man"
8.00	THE COSBY SHOW: (G)	10.30	NATIONAL EMTV NEWS	10.25	GUNSMOKE:
8.30	ALL TOGETHER NOW: "Get a Job"	11.30	Replay		Fra!ton"
9.00	THE GOLDEN GIRLS: "It's a Miserable Life" (PGR)	11.57	MEDITATION WITH PASTOR WALO ARNI	11.25	NATIONAL EMTV NEWS
9.30	MARRIED WITH CHILDREN: HEY DAD (G)	00.00	STATION CLOSE		Replay
10.00	HEY DAD (G)		SATURDAY 31ST OCTOBER, 1992	11.52	MEDITATION WITH PASTOR WALO ARNI
10.55	CHIN H MEEN SUPER-SOUND NEW RELEASE	7.57	STATION RE-OPEN	11.55	STATION CLOSE
11.00	NATIONAL EMTV NEWS	8.00	RUGBY LEAGUE (G)		
	Replay	10.30	SKY ROCK (G)		
11.27	MEDITATION WITH PASTOR WALO ARNI	12.00	INSIDE BRITAIN		
11.30	STATION CLOSE	12.30	GILLETTE (G)		
	FRIDAY 30TH OCTOBER, 1992	1.00	CHIN H MEEN SUPER-SOUND NEW RELEASE		
5.27	STATION OPEN	1.05	NEWS MAGAZINE		
5.30	ITN NEWS (G)	1.15	CRICKET (cont.)		
6.00	TODAY SHOW (G)	5.00	BEYOND 2000		
7.58	EMTV TOK SAVE	6.00	NATIONAL EMTV NEWS		
8.00	STATION CLOSE	6.30	HEY HEY IT'S SATURDAY		
1.20	STATION RE-OPEN				

G - GENERAL
PGR - PARENTAL
GUIDANCE REQUIRED
AO - ADULTS ONLY



WANTOK



BENSON
and
HEDGES



Government Warning
Smoking is Dangerous to Health

Wantok

Digitized version made available by



Copyright: Under copyright

Rights Holder: Word Publishing Company Limited

Use: This digital version is made available from the UC San Diego Library under a license granted by the Word Publishing Company Limited. This digital copy of the work is intended to support research, teaching, and private study.

Constraints: This work may be protected by copyright law. Use of this work beyond that allowed by the applicable copyright statute requires the written permission of the copyright holder(s). Responsibility for obtaining permissions for any use and distribution of this work rests exclusively with the user and not the UC San Diego Library. Inquiries can be made to the UC San Diego Library program having custody of the work.

Note on digitized version: Some of the digital versions presented here reflects the quality and contents of the microfiche. Problems which have been identified include misfiled or out-of-order pages, illegible text; these problems have been rectified whenever possible.